

PROCEEDINGS OF THE SEVENTH SITTING OF THE FOURTH MIZORAM
STATE LEGISLATIVE ASSEMBLY
ON TUESDAY, 28TH MARCH, 2000.

PRESENT

PU R.LALAWIA, Speaker at the Chair, Fifteen Ministers,
and 24 Members were present.

QUESTIONS

QUESTIONS entered in separate list to be asked and oral
answers given.

PRESENTATION OF REPORTS

PU H.LALTANPUIA, Chairman, Committee on Government
Assurance to present to the House, the First Report of
the Committee on Government Assurances.

GENERAL DISCUSSION ON THE BUDGET

General Discussion on the Budget for 2000-2001 to continues

S P E A K E R : Tin, thamna reng reng i la
tur a nilo; Thamna chuan khaw
hmu lai mit te hi a tihdel sak
thin a, mifel thu chu a tih-
khawlohsak thin.

Exodus 23:8

Question kan la nghal anga; starred question no. 78-na
zawt turin Pu L.N.Tluanga i lo sawm ang.

PU L.N.TLUANGA : Pu Speaker, zawhna no. 78-ma Kum 1999 chhung hian Foreigner engzat nge man awm tawh ? Man tawh awm nise, engtingge action Sorkarin a lak ?

PU TAWNLUIA : Pu Speaker, Tlungvel bialtu
MINISTER zahawm tak Pu L.N.Tluanga zawhna -

(a) Kum 1999 chhung hian foreigner engzat nge man awm tawh ? Chhanna - Kum 1999 chhungin Aizawl District ah 267, Lunglei District ah 168, Saiha District ah 107, Champhai District ah 96, Kolasib District ah 4, Lawngtlai ah 59, a vaiin 901 a ni.

(b) Man tawh nise, engtin nge action an lak ? Chhanna - Thawn kir leh vek anni tih a ni e.

PU VANLALHLANA : Pu Speaker, zawh belhna - Heng foreigner 901 Sorkarin a man chhuah te hi khawi atanga lo kal nge ni ? Dan ah a hrem nan thawnkir leh tur tih a ni em ? Thawnkir leh ringawt hi hremna tawk a ni em ? tih ka zawh belh e.

PU K.L.LIANCHIA : Pu Speaker, zawh belhna - March 24 a foreigner chungchang zawhna ah khan, question no.43 ah Pu Zakhu Hlychho khan 1999-2000 chhungin foreigner engzat nge man tawh/push back tawh ? tih a zawt a. A chhanna ah 901 tih ani a, a inmil chiah a. Question no. 42-ah Pu Lalhmingthanga chuan 1999-2000 inkar-ah hian foreigner engzat nge thawnkir ni tawh ? tih a rawn zawh lehah khan 1131 tih ani bawk si a. A chhangtu leh department a ngai ani bawk si a. Hei hi engnge a awmzia ?

PU TAWNLUIA : Pu Speaker, Khawhai bialtu zah-
MINISTER awm tak zawhna kha nichin khan han sawifiah nghal tur a ni a. Pu Lalhmingthanga, Opposition

Leader zahawm tak unstarred question chhanna ah khan 1131
tih a ni a. Ani zawhna kha chu kumin 2000 March thla thleng
khan a zawt a. Chuvangin, 1999 ah thla 12 a awm a,
Pu Hminga zawhna ah chuan kumin kumthar thla 3 March ni 15
thleng a thawnkir belh te nen 1131 a ni a.

Tin, Tlungvel bialtu zawhna ka
chhanna chu kum 1999 chhung ani e. Lungpho bialtu MLA
zahawm tak Pu Hlana zawhna kha, heng ramdang mite kan man
na ah kan dan hman chu.....passport entry into
India Rules 1950, Section 6 A,.....foreigner's
Act 1946, section 14 hmangin mi hi man anni in thawnkir
an ni a. Dan ah chuan man a tan tir a chawitir theih bawk
anni a. Mahse chutianga ti lo chuan kan man khawm hiar
rang thei angin kan push back leh thin a ni. Tin, heng
kan han sawi bik te hi kan Myanmarese khua leh tui vek
an ni.

PU J.LAWMZUALA : Pu Speaker, heng foreigner man
a thawn chhuah leh te hi Sorkar
hmalak na mai anih chuan tawkin
a rinawm lova. Engtin nge fo-
reigners Mizoram a rawn lut turte hi a dan theihna turin
Sorkarin hma a lak ? Heng hi min hrilh thei em ?

Tin, Burmese deuh hlir chu
foreigners kan nei tih kha tuna chhanna niin ka hria a.
Bangladesh atanga rawn lut hi pakhatmah an awm lo em ni ?
tih hi ka zawh belh e.

PU TAWNLUIA : Pu Speaker, Lunglei South
MINISTER bialtu zahawm takin a rawn
zawhna kha, foreigner, ram-
dang mite dan lo anga Mizoram
a an lo luh lohna turin, Sorkarin theihtawp chhuahin border
hrul ah te hna a thawk mek a. Chungah chuan khawthlang
hruaitu ten heng danna leh dapchhuahna hi kenkawh ani
thin a. Tin, khawchhak lam leh khawthlang lamah te Inter-
national Boundary kan nei a. Hengah hian Police out-post
hrang hrang kan neih bakah khawthlang lamah BSF te an awm
a. MAP 3rd Battalion Deploy an ni bawk a, khawchhak lamah
A.R. te nena tang hovin foreigner lo lut turte danna hi
V/C te kaihhruaina hnuaiah leh, S.P. te hnuaiah theihtawp
a bein hmalak a ni. Village Register kan buatsaih a,
theih anga chakin kan bawhzui mek a. Chumi hmang chuan
Mizoram a piang, seilian, cheng dik tak hi chu kha register
ah khan a Chiang dawn a. Tjang hian foreigners te an duh
an mak a, Mizoram a an lo luh a an chen theih lohna tura

lohna tura lo inbuatsaihna kawng a ni a. Tuna kan han tarlan te kha Myanmarese hlir an ni a, Bangladesh lam atanga lo lut thar leh V/C te leh S.P. te hmalakna zawn atanga man leh umchhuah tur ang chi kha chu an awm rih lova. Ka sawi ang khan a awmsa anga lang zingah hian keimahni identity chauh kan hriatfiah theih nan Village Register kan siam fel anga, chutah chuan a tul angin dan angin Sorkarin enzui theih kan beisei a ni.

PU K.L.LIANCHIA : Pu Speaker, pakhat leh chauh, Sorkar hmasa hunlai te khan Electoral Roll a chuang tawh, foreigner tam tak kan hmu-chhuak tlang a. Holy Bible tiat lai kan MNF unauite khan foreigner lut kha an hmu ani a. Khangte kha push back lem lo khan village registration ah chuan an dah lut anga khua leh tui nghet ah an dah mai dawn tihna em ni ?

PU NIRUPAM CHAKMA : Pu Speaker, International Border Fencing chungchang Assembly ah zawhna ka siam a, mahse reject a ni a. Ka zawhna chu hetiang hi a ni. Whether Govt. of Mizoram proposed to construct border fencing in Indo-Myanmar Border, tih kha ka zawt a, amaherawhchu, reject ani a. Hei Prime Minister package Shillong a puanah khan border fencing ah crore 1335 a lang a. Mizoram Sorkar hian border fencing turin proposal Central ah a thawn em ? tih hi ka zawt duh a.

S P E A K E R : Chhang turin Minister i sawm ang.

PU TAWNLUJA : Pu Speaker, Chawngte bialtu zahawm
MINISTER tak Pu Nirupam Chakma zawhna kha ka'n chhang hmasa mai anga. International border fencing siam

hi tul tih a ni a, rampum ah theihna lai laiah hmalak zel a ni a. Tin, keini pawhin kan border neih te hi fencing a hung thlap mai hi tha kan ti a. Police Modernisation Scheme ah hian kan telh thin a. Home Ministry ah kan proposal pawh active taka consider lai ani tih kan hria a. Tin, tuna chhiarchhuah tak ang khan, Prime Minister package Shillong ami ah pawh khan a provision a awm a. Chuvangin border fencing hi chu Sorkarin kan bawhzui lai mek a ni e.

Tin, Khawhai bialtu zahawm tak Pu Chia'n a rawn zawh kha Register ah chuan hming chuang apiang te kha Mizoram ah cheng nghet thei ani mai lawm ni ? tih a zawhna kha, a chenna chu - 'Ni dawn lo ang kan ziah atang khan an chanchin, kan chanchin tur theuh chu Sorkarin enchian dan tur a siam ang tih kan ring a ni'.

S P E A K E R : Starred Question 79-na zawt turin Pu R.Lalzirl'iana ilo sawm ang.

PU R.LALZIRLIANA : Pu Speaker, ka starred question 79-na Home Minister chhan atan -
(a) Sorkarin a hriat theih chinah kumin Financial Year chhung hian Mizoram chhunga tualthi (unnatural death) engzat nge awm ?
(b) A titu hriat loh emaw, rinhlelh pawh neih theih loh tualthi engzat nge awm a, chutiang chu -
(i) Mitthi hming leh Address.
(ii) Thihna hmun leh ruang hmuh/chhar a nih.

S P E A K E R : A chhang turin Home Minister i sawm ang.

PU TAWNLUIA : Pu Speaker, Saitual bialtu zahawm MINISTER tak Pu Zira zawhna (a)-na chhanna chu Sorkarin kumin chhungin Mizoram ah mi 84 unnatural deaith hi an awm a ni.

- (b)-na (i)(ii) chhanna chu - a titu hriat loh emaw, rin-
hlelh pawh neih theih loh tualthi hi 15 an awm a, an hming
leh address chu - 1. Razika, kum 37 S/o Rualkhuma(L)
Maubuang, a hmun Tachhip.
2. Sepdulara, kum 55 s/o Septachu of Calcutta, present
address Chanmari, Aizawl, thihna hmun Chanmari, Aizawl.
 3. Lalnunmawia, kum 25 s/o Robuanga Aizawl, thihna hmun
Lawipu Veng, Aizawl.
 4. Miss Sibra Das, kum 28, Electric Veng, Aizawl.
 5. Zairemthanga, kum 42 s/o K. Rosiama of Tahan, thihna
hmun Treasury Square Aizawl.
 6. Dohnuna, kum 36, Pukpui Lunglei,
 7. Vahre(a) Zachunga, kum 40, Lawngban, Myanmar, present
address New Colony, Saiha, thihna hmun New Latawh, Kawl-
chaw road.
 8. Vanlalliani of Hrianghmun, thihna hmun Casualty Depart-
ment Civil Hospital Aizawl.
 9. Lalmuanpuia s/o R. Lalzapa of Serchhip, thihna hmun
Sakhisihngaw, Hriangtlang road.
 10. Lalremruata s/o Laithangpuii of Serchhip, Hmar Veng,
thihna hmun Lower Chanmari, Serchhip.
 11. Vanlalsawma s/o Thansanga(L) of Tuikual 'A' Aizawl,
 12. Hari Narayan Pandey s/o R.M. Pandey of 1st Assam Rifles,
Aizawl, Civil Hospital, Aizawl.
 13. Dokunga of Diakkawn at his residence Diakkawn.
 14. Chhingi, kum 35, w/o Liana of Tuidam, Myanmar, present
address Electric Veng, Aizawl, Zemabawk Zokhawsang.
 15. Vanlalruata kum 12 s/o Liana of Tuidam, Myanmar, present
address Electric Veng, Aizawl, thihna hmun Zemabawk,
Zokhawsang.

S P E A K E R : Starred question no 80-na ah
kal leh ang. Zawnna neitu in
han zawt se.

P U L . N . T L U A N G A : Pu Speaker, Home Minister zahawm
tak chhan atana zawnna ka zawh
duh chu -

- (a) Sorkarin pawisa note lem engzat nge a man tawh ?
- (b) Pawisa note lem neitu leh zuartu Sorkarin engzat nge
a man tawh ?
- (c) Man nei tawh nise engtiangin nge Sorkarin action a
lak ?

S P E A K E R : Home Minister in han chhang se.

PU TAWNLUIA : Pu Speaker, Tlungvel bialtu
MINISTER zahawm tak zawhna chhanna chu -

- (a) Kum 1999-2000, March 17 inkar hian Sorkarin note lem Rs. 15,79,320 a man tawh.
- (b) Mi 29 man tawh anni.
- (c) Criminal case registered sak anni.

Hei hi a chhanna ani e.

PU L.N.TLUANGA : Pu Speaker, zawh belh ka duh a.
Note lem hian India leh Mizoram
hial pawh a tibuai ta hle a.
1999 June 19 khan Kulikawn O.C.

leh a hote chuan Rs.500 note lem hliir 95 an man tih kan hria a, June 21 ah bawh khan Biakenga leh Rinchhana kut atangin Rs. 1 lakh chuang zet an man bawh a. Chuta ka zawh duh tak mai chu, hemi an man lai hian Narcotics Cell a kan Police Officer chanin 'Ka man duh loh an man anih kha', tiin a sawi tih thawm kan hria a. Engtin nge man duh loh an neih theih aw!! Thu tak a ni em ? tih te ka zawt duh a.

Tin, Rongura leh Biakenga Police in an dawp lai hian an thusawi mak tak mai pakhat chu "Police Officer 2 in min zawrhthir", Inspector Lalseia Sailo leh Vanlalduha an ti tlat mai a ni. Chu chu a dik em ?

Tin, 27th June ah khanin note siamna khawl xerox khawl kan ti mai ang chu, mi pakhat Dennis J.K.Sithlou, Ramhlun Veng ami hnen atangin an man a, Narcotics Cell hovin. Chumi rual chuanin note lem 26,000 an man tel bawh a ni. Chu khawl lem an man zawh velah chuanin Police Officer pakhat chu Bank Manager pakhat hnenah kal vang vang in tuma hmuh lovin an inkawm rei hle tih kan hria a, a dik emaw ? Tin, he khawl neitu anga lang J.K.Sithlau hianin ka kutah in man a, he khawl hi ka ta a nilove, Lunglei Bank Manager ta a ni tih a sawi a. Chumi avang chuan em ni O.C. an tih hi a kal vang vang ni ? Tin, S.P. te pawhin an man tam viau tih chanchinbuah kan hmu a. Police t@n an han chhui vel hian Police Officer vek te in-hnamhnawih hian a lang tlat mai a. Kan Chief Minister Security mite pawh an hming a lang nawh nawh niin an sawi a ni. Hei hi a dik em ? Tin, an han chhui dawn lai khanin "A khawl neitu dik tak chu Sharma, Guwahati mi a ni", tiin an thang vel a. Khangte pawh kha han hriatchian deuh cnuan

Sorkarin mipui bum nan chhuichhuah theih loh tur an sawi mai mai niin a lang a. Helaiiah hianin he note lem chungchang thu ah hianin Bank thenkhat mite leh kan Police Officer te ngei hi an inhnahnawih em ni ? tih ka zawt duh a ni.

PU TAWNLUIA : Pu Speaker, Pu Tluanga kan MLA
MINISTER : zahawm tak hian helai hi a rin-
hlelh thu pawh ka hnenah a sawi
thin a. Vawiinniah pawh tha-
hnenngai takin heng kan tih pawlh leh dawn hi a rawn tar-
lang a.

Tin, Police Officer te an involve em ? Tin, an sawi danin 2 in min zawrh tir ani tiin sawi dan te a awm a tih kha helaiiah hian kan theih tawkin kan chhui a. Heng chungchangah hian keimahni Police lampang a thawktute pawh, Inspector te, Sub-Inspector, S.I. khatiang ang kha a involve nia kan hriat te chu tunah hian criminal case siamsak an niin, Departmental Inquiry te pawh lak an niin tunah hian an case hi ngaihtuah mek an ni. Chutiang anga involve ho Police personnel chu, a tul angin, dan angin action lak an niin charge sheet pawh an ni vek tawh ani.

Tin, xerox khawl, pawisa lem her-
chhuah theihna kha man a ni a. A neitu pawh man a niin, tunah hian a tang mek a, thubuai kha an nei mek a ni e. Tin, pawisa lem lokal hi a involve a lian em em thin a, tin, keimahni Police mai lam atang lo pawhin pawnlam atang pawhin, thawhpui, corporate turin remchang nia kan hriat te chu eng eng emaw te pawhin kan sawm thin a, thil khirh-
khan tak nimahselangin vawiin niah hian, tunhma deuh a leng lutuk ang ai kha chuan, tan kan han lak zual sauh sauh hian kan indang chep deuh hrih zel niah chuan kan inggai a ni.

S P E A K E R : Pu Nirupam Chakma.

PU NIRUPAM CHAKMA : Pu Speaker, pawisa note tlem,
counterfeit money kha xerox tu
mihring kha khawiah nge an dah a,
tin, pawisa man te hi destroy an

ni em ? Mihringte pawh destroy an ni em ? Khawiahnge an dah ? tih hi ka zawt a ni.

PU TAWNLUIA : Pu Speaker, hemi pawisa lem siam-
MINISTER na khawl hi man ani a, hman kan session lai khan ani a, kan hotu thenkhat te phei chuan House ah pawh recess room ah tal pawh an hmuh ve duh takin kan show dawn em ni te an ti a. Tunah hian in safe custody ah dah ani a, tin, thubuai kal lai mek anih avang hial thil dispose zung zung theih loh a awm ve a, chuvangin, tunah hian Court thuhnuaiah khawl kha chu a awm e. A pawisa te pawh hi Court thuhnuaiah ah (a lem te hi) a awm vek a ni.

PU R.LALZIRLIANA : Pu Speaker, starred question 81-
na Minister Law & Judicial chhan atan -

- (a) Legislature, Executive leh Judiciary zinga pahnih, Legislature leh Executive chuan Aizawl khawpui chhungah hmun tha ber ber an nei a, judiciary chanpual ve atan Aizawl khawpui ah hian High Court hmun tur ruahmanna a awm em ?
- (b) Awm anih chuan khawilai hmun nge ?
- (c) A awm lo anih chuan Assam Rifles luah ram hi an chhuah hunah hmun tha leh remchang lai High Court leh a behbawm atan hauh (reserved) sak tumna a awm em ? tih ka zawt e.

PU F.MALSAMMA : Pu Speaker, (a)-na chhanna kha
MINISTER chu - hemi Aizawl khawpui lun-
lailah hian High Court hmun tur ruahmanna a awm em ? tih kha, awm rih lo. Tunah hmun neih sa in an awm a, Luangmual ah. (b)-na, a awm anih chuan khawilai hmun nge ? tih kha chhan ngailo a ni a, a awm rih loh avangin Assam Rifles luah ram hi an chhuah hunah hmun tha leh remchang lai High Court leh a behbawm tan hauh sak tumna a awm em ? tih pawh kha, tunah rih chuan Assam Rifles ho hmun hi an chhuahsan tur hmun hi phase 1 hmun ruak sa chauh atan hian ruahmanna a awm rih avang hianin, Court tan hian ruahmanna a awm lova, phase II hi chu sawiho ala ni rih lo a ni;

PU R. LALZIRLIANA : Pu Speaker, Democracy lungphum Legislature, Executive, Judiciary lungthu anga awm a ni a. Chumi chu heta kan sawi takah khan Legislature leh Executive chuan hmun kan nei tawh a. Hetia Judiciary ngaihpawimawh loh viau hi kan tih awm loh ah ka ngai a. Chuvang chuan vawiin niah hian Assam Rifles an chhuak tawh tho si a, helai ah hian helai hmun hi judiciary tan hian min hauh sak thei lawm ni? Kan Sorkar mawina tur leh kan hnam mawina tur niah ka ngai a. Chutiang chuan assurance min pe thei em tih kha kan zawt belh a ni.

PU F. MALSAWMA : Pu Speaker, tuna an awmna hmun MINISTER Luangmual hi anmahni High Court lam atangin "a tha love hmun-dang min ngaihtuah sak rawh u", tihna awm emaw hi vawikhatmah dawn ala nilova. Engpawhni-sela Member zahawm takina a han sawi anjg khan a tul dan ang zela Sorkarin hei chu a thlir anga. Amaherawhchu, hmun khawpui chhunga hemi a lun lai tawt lutuk a inbeng zel hi nge tha zawk anga, hmun fianrial deuh zawk hi High Court tan tihte pawh kha ngaihtuah a ngai ve a. Sorkarin a tul leh tha tur zelin a lo thlir zel dawn nia.

S P E A K E R : Question no. 82-na zawt turin Pu Zakhu Hlychho kan sawm anga. Pu J. Lalthangliana nena an zawh-na a ni a. Pu Zakhu a'n han zawt sela a tha awm e. Pu Zakhu a'n Pu Lalthangliana'n zawt zawk rawh se a ti a. A tu pawhin zewt ula a tha e.

PU ZAKHU HLYCHHO : Pu Speaker, Pu J. Lalthangliana nena kan zawhra Home Minister chhan atan (a)-na Tripura a raltlan te engzat nge Mizoram-ah lo kir leh tawh? (b) Heng raltlan lokir leh te inbenbel dan tur lo ngaihtuahtu tur atan Mizoram Sorkarin a task force a din te khan report an theh lut tawh em? (c) Kum thum kalta Mizoram atanga Rieng Bru (Tuikuk) Tripura a tlanchhia, pem kha chhungkaw engzat nge, mihring engzat nge ni a, chhungkaw engzat nge mihring engzat nge? (d) Chhungkaw engzat nge Mizoramah lokir leh tawh? (e) Sorkarin lokir te hi chhawmdawl na pek a nei em? Nei ni ta se, engtin nge pek a tumj em? tih ka zawt e.

PU TAWNLUIA
MINISTER

: Pu Speaker, kan Member zahawm takte pahnih Pu Zakhu Hlychho leh Pu J.Lalthangliana te zawhna.

- (a) Tripura a Tuikuk raltlan te engzat nge Mizoramah lokir leh tawh ? tih chhanna chu - November thla tir 1997 khan mi 3000 vel an lokir a, chu chu chhungkaw 463 vel anni a, mahse reilote hnuah an kir leh nia hriat a ni.
- (b) Heng raltlan lokir leh te inbenbel dan ngaihtuatu tur atana Mizoram Sorkarin Task Force a din te khan report an thehlut tawh em ? tih a ni a, a chhanna chu - thehlut rih lo.
- (c) Kum 3 kalta a Mizoram atanga Riang/Bru (Tuikuk) Tripura a tlanhhia/pem kha chhungkaw engzat nge, mihring engzat nge ? Hei hi a chhanna chu - Chhungkaw 3308, mihring 16,271 vel an ni.
- (d) Chhungkaw engzat nge Mizoram a lokir leh tawh ? Nichinah khan chhan ani tawh a.
- (e) Sorkarin lokir te hi chhawmdawl na pek a nei em ? Pek a tum em ? A chhanna - Nei e.
Kum 1997 khan Rs. 4,31,876.60 heng lokir te chhawmdawl na atan hian Sorkarin a seng tawh a ni.

PU ZAKHU HLYCHHO

: Sorkar omder ah khan hei khulai raltlan te lokir leh dan tura lo enf l turin Task Force kha din ani a. Chu Task Force chuanin

thlahnih chhungin report an thehlut tur ani tih a ni a. Hei thla hnih chauh a ni tawh lova, a rei tawh hle mai e. Engnge vawin thlengin, nichina chhanna ah khan an report kha la thehluh loh ani a ti a. Engnge ni a chhan ? tih ka'n zawt belh duh a ni.

Pahnihna ah chuan 1997 ami sangthum chuang lo lut te kha an kir leh tawh a tih kha Tripura ah an kir leh tawh em ni ? Kir leh tawh ni ta selang, chumi hnuah chuan, 1997 hnu ah hian pakhatmah an lo lut tawh lo reng reng em ni ? Nichina rawn chhanna ah khan a figure Chiang engmah a awm silova. 1997 chhungkaw 3000 vel lo lut kha an kir leh tawh an ti mai si a, chulovah Sorkarin cheng nuai li chuang an sen tawhna kha eng atan nge ni a lo sen ?

PU TAWNLUIA
MINISTER

: Pu Speaker, Sorkarin lokir leh te chhawmdawl na cheng nuai li chuang ze a lo sen tawh kha lokir leh te chhungkaw tin hnenah

cheng 2000 leh free ration chawlhkar khat chung atan a pe a ni. Chu chu 1997 ah a ni.

Tin, Task Force kha Mizoram Home Minister leh Indian Home Minister te, Delhi a hemi chungchang sawi a 1997 November thla a an sawiho na zul-zui atanga ruahman ani a. Amaherawhchu, Home Department a kengtu tur bera ngaih, sorkar atangin ruahmanna mumal tak a tir atangin a awm lova. Rural Development Department atangin anni hi lak kir leh ni ta se, an lo in ben-bel deuh theih nan atira an lo chhawmdawl dan tur engtin nge ni ang? An department level ah lo thlirna chu an nei a, chu chu hun a lokal zela a, a til tiak angin a kal a ni. Kha kha kan sawi belh duh a. Tin, lokir leh te pawh an kir leh tawh kan hriat a kha 1997-98 inthlan hma khan heng lokir leh te hi an dawn tur ang an dawn hnuah hian chuan anmahni lamin leh, midang te phutna pawh ani ange, anmahni mi leh sa phutna avangin an biru leh deuh vek niin kan hria a ni.

Tin, thil pakhat heng Tuikuk te number hriat fuh hi a har em em a, chulaiah chuan figure kan siam pawh kha kan D.C. te'n theihtawp a nikum May thla leh October thla chungga Riang Census Mizoram puma an neihna atangin kan figure siam a ni a, tlem a lo inpelh deuh te pawh a awm thei tih kan tarlang duh tel a ni.

PU R.LALZIRLIANA : Pu Speaker, Home Department khan an hre lo anih chuan Kananthar leh Nalzawl ah te khuan Tripura atanga lokal Tuikuk an tam tawh tih kan hriattir duh a ni.

S P E A K E R : Starred Question No.83-na, zawttu an thahhem hle a, Pu R.Lalzirliana, Pu Zakhu Hlychho, Pu H.Laltanpuia, Pu L.N.Tluanga, Pu P.B.Rosanga, Pu C.Thanghluna, Pu Nirupam Chakma, Col. Lalchungnunga Sailo, Pu J.Lawm-zuala, Pu Lalrinzuala, a zawt turin a upa ber Pu L.N. Tluanga in sawm mai ang hmiang mawle.

PU L.N.TLUANGA : Pu Speaker, ka lawm e. Starred question No.83-na Home Minister zahawm tak ka'n zawh duh chu hei hi ani e.

- (a) Lawngtlai Bank rawk a pawisa bo zat, Police hnena report danin engzat nge ?
- (b) He pawisa bo atangin Police ten engzat nge an hmuhkir leh tawh ?

S P E A K E R : Chhang turin Home Minister
Pu Tawnluia i sawm ang.

PU TAWNLUIA : Pu Speaker, kan MLA rualin
MINISTER i ti mai ang, an hming kan
han ngaihthlak te zawhna (a)-
na chhanna chu a zawhna kha

Lawngtlai Bank rawk a pawisa bo zat Police hnena report danin engzat nge ? tih chhanna chu Lawngtlai Bank rawk a pawisa bo zat Police hnena report hmuh dan chu Rs.5,11,61,000/- a ni.

(b)-na he pawisa bo atangin Police ten engzat nge an hmuh kir leh tawh ?

Chhanna - Heng pawisa atanga Police ten tun March 15, 2000 thlenga hmuh kir leh tawh zat chu Rs.41,60,630/- a ni. Scooter thar pakhat man tel ani bawk a, a man Rs.33,500/- a chhutin, awaia pawisa hmuh kir leh tawh zat chu Rs. 4,19,60,130/- a ni.

PU H.LALTANPUIA : Pu Speaker, ka lawm e.
Zawh belhna - Hemi Lawngtlai Bank rawk chungchang hi titi a tam hle a. Mizoram mipui pawhin kan ngaihven riauin ka hria a. Tin, chumi mai piah lamah India rama thil thleng, Bank rawk chungchangah chuan a nasa pawl tak zinga mi a ni a, a vandaithlak hle a. Law & Order chungchangah Mizoram Sorkar pawh kan fail Chiang viau niin ka hria a. A chhan chu Pu Speaker, heng nuai 46 lai mai an hmuh kir lehna ah hian ka'n zawh duh chu a rawktu taka te (SPEAKER : Nuai 41 a ni ang). Nuai 41 an man kir lehna hnenah hian em ni a ~~tu~~ tu hi anih tih kha kan zawt duh a. Cheng nuai 41 leh Scooter thar leitu chu em ni ? He Bank rawktute zingah a tel em ? tih kha kan zawt duh a.

Tin, chulo lehah chuan hemi Bank rawk tuk tuk leh zana Mizoram All India Radio leh chanchinbu hrang hranga kan lo hriat danin heng Bank

rawkna ah hian a ring leader, a hotupa bera sawi chu sawlai MAP II Bn. ami he Lawngtlai Bank lo veng tawhtu a ni a. Chumi chu a ring leader a ni e tiin a hming nen, a pa hming nen khawvel hriatin an puang a. Amaherawhchu, kha pa kha vawiinniah hian vawin thlengin Lawngtlai ah ka hriat dan a fuh loh chuan a la awm a ni a. Man lohin a awm si a. Kha information Mizoram pumpui hriata an rawn tiha kha thudik lo em ni ? tihte, tin, engzat chiah hi nge Bank rawktute zingah hian man an neih tawh tih kan zawt duh a ni e. Pu Speaker, ka lawm e.

PU LALRINZUALA : Pu Speaker, zawh belhna ka zawh belhna pakhatna chu - Lawngtlai Bank rawktute hi Sorkar hian man a tum tak

tak em ? tih ka zawt duh a. Ka zawhna chhan chu Lawngtlai Bank rawk chhui tur hian II Bn. MAP hman niin a lang a, a Commander hi helaia kan D.I.G. a ni thung a. II Bn. MAP Commandant chu Mizo tlangval Mampui khawchhuak Zorammuana a niin a lang a. Man an tum tak tak em tih ka'n zawhna chhan a chu, tum nise chuan, kha Commandant a kha Commander ah Operation Commander ah hian hman awm tak niin ka hria a. Ani kha an hmang ta silova, helaia Supreme Commander atana an va hman hi Delhi tlangval a ni. A ram leilung la hre lem lo kha ani a. Man a har awmin ka hria a, kha kha man tum tak takna a kaww em aw ? tih ka zawt duh a.

A pahnihna zawh belhna ah chuan tahrik ni 20, thlakhat 2000 khan Saiha ah ka kal a, keipawh. Tahrik ni 20 zanah hian kan LAD Minister zahawm takte nen Saiha Circuit House ah zanriah kan kil hova. Kan chaw eikham khan kan Minister zahawm tak khan 'Lawngtlai Bank rawktute, man anni tawh a. An pawisa dahna ah an pawisa ruk dah la turin an kal mek e' tih kha kei leh kal bula mite kha min hrilh a. Vawiinni thleng hian khalai ah khan, an man zata kha puanchhuah ala ni ta lova. Chu chu ka han zawhna chu, khata min hrilh pawisa an recover a kha MADC inthlan nan hian an hmang ta mai nge ? Kan LAD Minister khan thudik lo min hrilh, 'a hriatsual' tih ka zawt duh a.

Tin, ka zawh belhna pathumna ah chuan tahrik ni 3.2.2000 khan Mampui ah hian ka va kal a. Mampui khua in min lo hrilh nasat em em a chu, "Bank rawktu rawn zawngtu te khan Mampui ah hian awmhmun an khuar a, chawlhkar hnih min curfew a, hna kan thawk thei lova, engmah kan ti thei lova, hei lo vah pawh a khawtlai vek a", an ti a. Chung mite chu Sorkarin khati taka kan tihbuai kha an ni si a. An tan hian compensation engngemaw tal kan pe thei ang em ? tih kha ka'n zawt tel duh ani e.

PU R.LALZIRLIANA : Pu Speaker, Lawngtlai Bank rawktute kha man tum tak tak anih chuan, a man thei tur Mizoram Police Officer fel tak tak kan ngah a. Engvangin nge hnamdang Officer IPS 4 lai kha, Lawngtlai ah khan tih an nih ? tih leh kha kha vai Officer hlahv vang em ni ? Vai ngam loh vang em ni ? Tin, pahnihna ah chuan, khatia hnamdang Officer sawlaia va inkhuar ho khan MAP pakhat an zuruiin an sawisa a, a nakruh tliakin Saiha dandawin ah an dah tih hi chiang takin ka hre thawi a, hei hi Sorkarin a hria em ? tih ka han zawt a ni.

PU C.THANGHLUNA : Pu Speaker, zawh belhna pahnih han zawh ve ka duh a. Pakhatna ah chuan, he Bank rawktute zingah hian Bank a hnathawk tute inhnammawih an aww ve em ? tih ani a. Pahnihna ah chuan Bank guard duty hi Bank an rawk zan pawh khan pakhat chauh duty ani a, pakhat an chhutthluk hnu ah khan pakhat a kha hmundang atangin a lokal ve leh ta a. Chu pawh chu an chhutlu ve leh ta a. Chuvang chuan Bank guard duty te hi pakhat chauh zel a duty tir hi Sorkarin him tawkah a ngai em ni ? tih kha ka zawhna ani e.

PU J.LAWMZUALA : Pu Speaker, Lawngtlai Bank rawktute man tuma Lengpui Sanctuary hualtute kha Police Force engzat nge an nih ? Engchen nge an hual ? Tin, khatih chhung khan a rutute kha Sihtlangpui lamah khawilai kawng tumah nge an rawn let leh tak ? Tin, silai kha engzat nge an lak a, eng chi nge an nih ? Silai an lak te man let leh an ni tawh em ? Tin, Bank rawktute hi engzat nge an man tawh ? tih ka zawhbelh e.

PU L.N.TLUANGA : Pu Speaker, nikum August thla lai atang tawh khan Bank rawk hi an phiar ani tih sawi a aww a, chu chu Sorkar hian a hre reng reng em ?

S P E A K E R : Chhang turin i ko tawh ang aw,
Pu H.Rammawi in han zawt veleh
phawt rawh se.

PU H.RAMMAWI : Pu Speaker, nichina Buarpui
bialtu zahawm takin a rawn sawi
lan Bank rawktu zinga "an hotu-
pa ber man loh" tih a kha kan
Sorkar lam khan-in Hrangkhama, a pa hmingah Tinthanga
tih khanin Radio te publicity chi hrang hrang, local news
ah pawh a lo lang nual a. Kha kha Bank rawktu zinga lea-
der ber ang khan sawi leh radio ah pawh puan a ni a, local
T.V. ah thleng. Mahse, Hrangkhama kha alo tel ve reng reng
silova. Tumah hian damage a chhungten an claim sak dawn a,
hming tihchhiat man. Tah khan Sorkar kha tang vak lo turin
kan ngen a ni.

PU ZAKHU HLYCHHO : Zawh belhna, hei zawhna hun a
tawp mai dawnin ka hria a,
chuvangin ka han zawtbelh lawk
anga. Thu kan hriat danin mi-
sualin bank an rawk avang khan bank staff thenkhat te man a
sawisak anni a. Sawisak satliah mai pawh nilovin saruak a
sawisak te an awm niin chanchinbu ah te kan lo hria a.
Heng hi a tak tak ani em? Sorkarin a hria em? Misualin
bank an rawk a, a bank a hnathawktute pawk nasa deuh a lo
sawisak a, insawisak dan satliah pawh nilova sawisak hi a
awm anih chuan Sorkarin action a la thei ang em? Chutiang
titute hnenah tih kha ka rawn phut duh a.

Tin, pahnihna ah chuan bank
rawktute channa tura Police an tirh te khan, chang tura
an va kalna ah entirnan, Pu Speaker, nang pawn i hriat
kha, Lawngmawso ah chuan bank rawktu lo zawk civil awm
mai mai an kaphlum ta mai a. Khang an va kalna ah khan
intitheh takin khawitang mite hnenah vawkte, arte, ei leh
in engkim kha duh duh an khawn mai a ni. Zu an in bawk a,
an duh duh an kaphlum mai a. Khatieng kha a vanduaithlak
hleln ka hria. Bank rawktute man tum tak tak an ang pawhin
ka hre lova. Lal hrawt anni mah mahin ka hria, khatieng
thil thleng kha vawiinni thlengin ala awm a ni. An la cham
tir reng si a. Bank rawktute kha khawng an kal tawh? An
la chang chhuak silova. Mipui harsatna an thlen nasa tawh
tih hi he Sorkar hian a hria em?

PU P.B.ROSANGA : Pu Speaker, Lawngtlai Bank rawk avang hian Chhimitui District a miten harsatna nasa tak an taw a. Lawngtlai Bank hi a function leh tawh em ? Engtikah nge he Bank hi a function leh ang ?

S P E A K E R : A tam tham hle a, chhang turin Home Minister i sawm ang.

PU TAWNLUIA : Question hour a tawp tep a, a MINISTER lo pelh deuh pawhin kan ngai-thiam tlang dawn nia.

Pu Speaker, Lawngtlai State Bank of India rawk chungchang hi Sorkarin pawl a tiin vanduaithlak a ti a. A rawktute man chhuah tak tak a tum avangin, a tir atanga vawin thlengin kan Police post te sawlai bawrah sawn bank rawktute manchhuak turin mi 200 bawr hi chu an la awm reng a ni. Kan tum tak tak tih kha House ah ka sawi duh a.

Ngopa bialtu zawhna kha a hnuh-nhung deuhna in chhen hmasakah ka nei duh a. Hetianga bank rawk anih takah hian chuan bank kha khar ani lo thei lova, transaction a kal thei lova, chutiang chuan bank hotute pawh khutah Guwahati lam atangin an lo kal thin a, Mizoram Sorkar hotute, Chief Minister thlengin rawn hmu in keini pawhin a rang thei a hawn leh dan te lo sawipui ani a. Amaherawhchu, bank hian dan te te te an lo nei a. Hei nimina kan lehkha hmuh hnuhning ber General Manager D & PB T.K.Kera Murthy, Guwahati, Eastern Circle, State Bank of India hnen atangin kan hmuh ah hian, bank hawng thuai tura kan ngenna leh kan nawrna an rawn chhanna, an ngaih pawimawh em em thu an rawn sawina te a rawn sawi a. Amaherawhchu, hetah hian harsatna an rawn sawi ve chu hetiang hi ani a. "However, you understand that the Bank has certain important systems to follow. One of them being to change the chest and leave the locks of the strong room at the Branch where the keys are handled by the people outside State Bank of India". An chest leh a key a kha khatiang mi sulhna a lo awm tawh avang khan, a pumpuia thlak a ngaita a. Chu chu tunah hian an la tipuitling thei bik lova, theihtawpin keini pawhin hei hi ram tichak turin kan nawr reng a. A siamtu bik awmte a lo nih avangin in ngaihpawimawhna te ehinchhiahin hei hi chu keini pawhin a rang thei anga hawn kan rawn tum dawn e, an ti a ni. Hei hi nimina kan lehkha hmuh a ni.

Tin, nichinah khan Buarpui bialtu
MLA zahawm tak, zawhna kha S ngau hial lam atang khan a rawn
sawifiahna kan ngaithla a. A rawn sawi kha thudik a ni a,
sawifiah hran a ngai tawhin ka hre lo.

Tin, Bank rawktute hming hi hriat
anni a, Zavunga 'Zaza' tia koh thin, kum 32 a ni a. Tin,
Burma lam mi ni thin present address ah chuan Sihtlangpui
ami hi prime accured ah chuan ngaih a ni. Pu Speaker, he
thu hi investigation kallai leh Court ah te pawh thil awm
anah avang hian sawi a hrehawm nain, chanchinbu ah te thil
tam tak a lo lan tawh avangin engemaw chen chu kan sawi ve
dawn phawt ah ka ngai a, House confidence ah kan la lo thei
lova. Kan House zahawm takah han sawi lo theilo dinhmun ah
kan din avangin.

S P E A K E R : Khami kan dan 42-na ah 10-na
ah khan a chhui dan te khatiang
kha chu zawh pawh phal a ni a,
an lo zawh takah chuan sawifiah
vek a rem lohna chen a awm a.

PU TAWNLUIA : Pu Speaker, ka lawm e. A rawktu
MINISTER : pahnihna chu Avingchaw a ni a.
He' hi Saiha Office a awm a ni.
Pachumna Lalfela Driver, Sih-
tlangpui, palina Avingchaw Myanmarese a ni a. Pangana
Zesaia Chawntlangpui, parukna Musaia Lungpuk, Kamlova Sala-
chhuah, present address ah chuan Sihtlangpui, Zothanmawia
s/o Saizika Sihtlangpui, Lalneiha s/o Thanhranga of Sih-
tlangpui, Thuanlunga present address Sihtlangpui, Lalhmuna
Lawngtlai, Chawngte peng a ni. Tichuan, heng zing a mi
Zothanmawia hi Paithan khua ah YLA te thahnemngaihna azarah
ni 21 January ah khan man a ni a. Police kutah hlan nghal
a ni. Tin, January ni 22 ah khan Kamlova s/o Thanhranga
of Salachhuah hi YLA Chawntlangpui khua a miten an man a,
Police kutah an rawn hlan bawk a ni.

Tin, Sorkarin sawlaia a dapna
atana Police Officer kan han deploy chungchangah Member
ten thiltha tur nia in rin te in rawn sawi a. Tin, saw-
laiah Saiha ah M.P. kan nei a, Lawngtlaiah S.P. kan nei
a, Over all a sawlaia va viltu bik awm a ngaih avangin
Command & Control te hi Police ah chuan uluk taka ngaih-
tuah anih loh chuan a buaithlakna tam tak a awm thin a.
Chuvangin, kan Police Headquarter atdingin kan DIG sawlai-
ah va huaihawt turin a kal a ni. Tin, kan Police Officer
te an theih chinah thahnem an ngaiin an thawk nasa a, an
beih nasat vanglai tak tak phei kha chuan nikhatah chaw
vawikhat chauh te an ei a ni.

Tin, chumi ruala kan sawi duh chu khawtlang mipui khawtin a mite an co-operative in heng misualte Sorkarin a zawna ah hian min tawiam tha em em a. YLA te chungah phehi hi chuan a bikin lawmthu Sorkarin a sawi lo thei lo a ni. Tin, tunah hian misual te dap zuina hna chu thawh zui zel a ni a. Tin, chumi ah chuan Saiha bialtu zahawm takin a sawi ang khan, sawlai Lawngmasu ah erawh chuan keimahni kan Police ten midangte chungah kut an lo thlak a, pawikan tiin dan angin a chungah action lak a niin a tawpah phehi chuan Saiha jail boruak kha a thleng ta hial a, pawikan ti em em a ni. Tin, Bank rawk lai hian a thawktute pawh hi 5 lai an awm a, he enquiry ti tur hian Magisterial Enquiry din a ni a, tuna Saiha D.C. Pu R. Battacherjee District Magistrate chu ruat a ni a, thlakhat chhunga report pe tura tih a ni a. Amah-erawhchu, MADC Election avang khan Returning Officer ani si a, a hna a khaihlak deuh a, tunah hian theihtawpin a chhui mek a ni. Tin, hemi kan bawhzuina kawng hrang hrang ah hian kan hotutena duhthawhna leh thahmemngaihna in rawn thawh hi lawmawm kan ti a. Min finchhuah zel pawh kan beiseiin kan ngen bawk che u a ni.

Tin, operation kan han thlak laia Mampui khua curfew tih kha ni e, he thil a lo thlen hian engemaw chenah chuan loh theih lohvin chawp leh chilh- a tih te a ngai thin a. Compensation zawng erawh kha chuan harsatna a awm deuh pawhin relief works Sorkarin a a neih hunah te chuan a bik taka chhinchhiah tlak niin kan hria a ni. Tin, hetah bank hnathawktu mante sawisak an ni em ? tih kha, hengte pawh hi enfiah turin kan ti vek tawh a. State Bank Employees Association te pawhin presentation mumal takin an rawn siam a. Chu chu Sorkarin a lo dawng- sawng a. Tunah hian Lawngtlai bank rawk chungchanga magis- terial enquiry ina a enfiah tel tur hian chu allegation a hi thil tel a ni bawk a ni. Tin, heng bank rawktute hian bank guard duty te silai kha an laksak vek mai a. Amah- erawhchu, kan police ten thahmemngai taka an thawhna ah heng hi an lak let leh tawh te chu a ni a. A hmain an silai lak- sak a kha carbine 2, Stain gun 1, 303 Rifle 2, hengah hian Carbine 1 tih loh chu lak kir leh tawh a ni a. Chubakah a rawktute silai G-3 man tel a ni tawh bawk. Tin, heng bank rawkna chungchanga hian inhnawh mi 13 an awm a. Chung chu man an niin, tunah hian an chungthu ngaihtuah mek a ni.

Tin, pawisa bo hmuh let leh dan pawh kha record tha deuh mai kan nei a. Hun a sei palh ang tih ka hlau bawk si a, chhiar chhuak dawn ila. Tin, nichina kan Buarpu bialtu MLA ina Saiha a a awmlaia kan LAD Minis- ter in 'pawisa an man dawn e' tia a sawi kha, cheng nuai 35 khami ni khan man a ni. Chu chu Council Election atan khan kan hmang awzawng lova, Dan ang thlapin hei hi chu dah ani tih House ah kan sawi duh a ni. Chuan kan pawisa hmuh let dan leh kan hmuhna sawtah sawn a awm a, Member te khan in duh chuan nakinah Pu Speaker, a copy ka lo siam anga, rawn lam mai selangin, hei hi chu sawi zel dawn ila a thui lutuk palh ang tih ka hlau a. Chuvangin, hei hi chu

(PU R.LALZIRLIANA : Sem tur a nei thova sem rawh se).
Tunah ka nei lova, a copy ka lo siam ange ka ti zawk a ni.
(SPEAKER : General Discussion ah in duham leh si anga,
a buaithlak ange).

PU R.LALZIRLIANA : IPS Officer 4 sawlaia va inkulh
 ten MAP pakhat an sawisa a,
 Saiha dandawinah an awm tin
 chiang taka ka sawi thawi kha in
 hre ve em ?

...247/-

PU TAWNLUIA
MINISTER

: Pu Speaker, Hriat ve ka neih chu MAP, an hotutena Detailment an siamna leh engemaw an order te zawm tha lo. Hei

sipai chu order kan inpe a, chungah chuan engemaw tlema kut lo tuar an awm tih chu ka hria a, kan lo enfiah mek zel a, a tul angin khang pawh kha.

S P E A K E R

: Ngawi rawh u, zawhbelhna chu kan ti tawh lo.

PU H. LALTANPUIA

: Pu Speaker, Heng pawisa bo an hmuh kir lehte hi em ni a ru-tu takte an tih a kha ?

PU TAWNLUIA
MINISTER

: Pu Speaker, a rutute chu mi 11, nichina ka chhiarchhuah tawhte kha an ni a, ka chhiar chhuah zinga 2 te kha man

tawh an ni a. A dang hi man accused loh hi, ramhnuaiia tal. tapa.vak.....

S P E A K E R

: Ngawi rawh Question hour a tawp tawh a, in clarify tur ani hlei nem ? eng danah mah clarify theihna i nei

lova. Kan question hour a tawp ta a. Tunah chuan Committee on Government Assurance Chairman Pu H.Laltanpuia 'A first report of the Committee on the Government Assurance' present turin i lo sawm ang.

PU H. LALTANPUIA

: Pu Speaker, ka lawm e. Pu Speaker, Committee on Govt. Assurances remtihna leh i phalna in Committee on Govt.

Assurances first report of the 4th Assembly' chu House-ah hian ka present e.

S P E A K E R : A copy kha sem nghal sela, Tynah chuan kan budget General discussion kan tan tawh ang a, ni 21 khan kan House leader Finance Minister ni bawkin a rawn present tawh a. Member te tan pawh inbuatsaihna hun a awm tha thawkhat tawh viau a, in inbuatsaih pawh ka beisei e. Parliament leh State Assembly te a in tih thin ang in Opposition leader kan sawm hmasa ang a, thusawi turte hi minutes 20 hun ka pe ang che u a, Opposition leader erawh hi chu minutes 25 ka pe ang a, sawi duh ngah deuh kha chuan sawi chak deuh in tum mai ang a. Kan hun hi ni hnih ani a. Theihtawpin hei hi a hun tam thei ang ber ni a ka hriat angin kan zawn theih thona tur siin kan han hisap chu ani a. Tunah Pu Lalhmingthanga, Leader of Opposition i lo sawm ang.

PU LALHMINGTHANGA : Pu Speaker, kan budget kumin ami hi Mizoram Sorkar Union Territory leh, State anga kan din chhoh tawh hnu Budget kan buatsaih zawng zawngah a chiangkuan loh ber tum ani a. Hei hi a pawl ka ti tak zet a. A chiangkuan lohna chhan chu hei kan Chief Minister, Finance Minister ni bawkin a thusawiah chiang deuha a rawn tarlan chu, tuna kan budget hi Planning Commission in kan Annual Plan tur a zata min la rawn hrilh theilo tih a tarlang a.

Tin, chumi ruala tarlan leh pakhat a chu Eleventh Finance Commission in kan non-plan kan neih zat tur min la rawn hrilh theilo ani tih a sawi bawk a. Keini ang State tenau mahni a pawisa lak luhna nei thalo tan chuanin khang Finance Commission in an recommend non-plan lam ami leh Planning Commission ina an recommend te tello kha chuan budget hi siamtheih ani hauh lova. Chumi pahnih awmlo chuan tunah hianin nidanga tihdan loh ang takin kan han buatsaih ta ani a. Rinthu budget kuminah hian kan sawitlang dawn a, a pawl in a vanduai thlak ka ti a. Kha kha evidence a chiang hle ani.

Tin, a dang lehah chuan, nimirah khan Vote on Account ah khan discussion nilovin, a point sawifiah ka tum lain Pu Speaker i thoneihna in min knap a. Vawinah hian kan sawi nawn leh duh chu ke-tiang anga Budget figure Plan leh non-plan pawh a chian

loh hian, Parliamentary practice leh Legislative Assembly practice-ah chuan Vote on Account hianin a chian theih hma chu thla 3 te, thla 4 te an kal thin ani, Kuminah hian kan Budget a chhiat em avang hianin, Sorkar hian mipui attention a la ang a, he Sorkar hi mipuiin an ring dawnlo ani tih an hriat chian avangin Vote on Account hi thla khat atan chauh nimirah min pass pui ta a. Tichuan engmah figure mumal nei lovin he Budget hi rawn lek, chhuah ani a. Entirnan, 1996-1997 chhovahte khan 10th Finance Commission Recommend-na chu a Chiang reng tawh a, kan kum khat non-plan neih tura kha min rawn hrih tawh a. Amaherawhchu, Planning Commission lamin kan Annual Plan Size min pek theih loh avangin Vote on Account in thla 4 kan pass a.

Chutiang ang figure a chian hnuah July thla-ah Budget kha kan nei leh ta a, a Budget bu thar buatsaih lo mahsela, Finance Minister khan Annual Plan Size a kha a rawn puang a, sectoral allocation te pawh a rawn puang thei tawh a, ti kha chuan Budget mumal deuhin a kalpui theih ani. Chumi speech te chu a rawn siam leh a. Kuminah erawh hi chuanin thil chhia chi hrang hrang kan Budget chungga inphum rintlak siloh a kha laih lanin a awm ang tih hlauvin July thla ah emaw Parliamentary practice dan pangngai a State dangte pawhin an tih thin ang kha pumpelh tumin he boruakah hian Budget hi min siam sak a. Tichuan, Annual Financial Statementte an han siam ta a, an han ziak lan bera hi chu nikum level a kal pui ani tin ringawt mai hi ani a. Chuvangin, discuss tlak tak tak pawh hi a awm lova, hetiang anga Budget siam hi Democracy din tirh, khawvel history kan hriat atang hian khawvelin a la nei ngai lova, khawi House-ah mah an la pass ngai loh ani, boruak tak zet ani, nikum level han tih a kha.

Tin, a point dang leha chuan kei kan Chief Minister hi ka lo ring thin khawp mai a. Kan hriat theuh angin kum khat (1) leh nikua (9) kan thawk ho a. Centrala a kal apiang hianin Central Sorkar hotute khuan an lo duat baw a, pawisa hi a rawn hawn teuh zel mai a, kha kha ka lo thlamuan pui ve em em thin ani, a hnuah kan thawhlai pawh khan. Thutak ni ngei turah ka ngai a. January thla-ah khan kan Home Minister zahawm tak nen hian Central hotute kan pawisa harsatna chungchang thu-ah an zuk dawr a. Tichuan, an indaihlona, non-plan lam atanga an ken thlak pawh khan cheng vaibelchhe zali leh sawmli leh pasarih leh nuai 16 an keng thla ani. Chu chu peace bonus in kan hmu vek dawn e tiin an rawn report chhova. Chumi enfiah tur chuan Central Sorkar pawhin a chhanna atan group of Officers Committee a din a, tahchuan Chairman atan Additional Secretary, Ministry of Finance a expenditure cell ami hman ani a. Member atan chuan Planning Commission aiawh pakhat leh Home Ministry aiawh pakhat an ruat a. Kan Sorkar aiawh turin kan Chief Secretary an ruat baw a. Chumite chuan recommendation an han siam ta a, khami an recommendation siam kha 'peace bonus ti a

an han koh kha chu a rawn ni chho ta a. Tahchuan an dil cheng vaibelchhe zali leh sawnli leh pasarih leh nuai 16 atang khan chu Group of Officers ten an han recommend tak a chu, cheng vaibelchhe 82 leh nuai 45 one turn round ah an rawn recommend a. Cheng vaibelchhe 93 leh nuai 50 hemi hlawhpung May 1st atanga tun thla March 31 thleng a hlawhpung hrang nrang atana hman turin an rawn recommend ta a.

Tahchuan, one turn round vaibelchhe 82 leh nuai 45 an han recommend kha chu special ways and means ah tun kum April 6 atanga tun thlenga kan hman chhoh tak, chumi va ways atan chuan ani ta a. Vaibelchhe 93 leh nuai 50 kha chu tuna hlawhpung atana kan pek tak kha ani a. A bonus tak tak chu a awm mumal ta miah lo mai a. Kha hisap kha nan belhchian chuan 'peace bonus' ti a kan rin em em thin kan Chief Minister ina Zoram mipuite a lo hnem nate leh, Contractor pawh singkhat kan mamawh belh a development pawh thopa zuanin a zuang a, sky rocketing ani dawn ani, a ti. Beiseina min lo pek tawn a chu Bonus dik tak kha vaibelchhe 4 leh nuai 5 chiah min belh chu ani a ni. Chutiang ang hmu tel si chuan tunah nian Budget hi an present ta a, revised Budget an chuan kan sawi tawn angin Central Sorkar atangin plan lamah engemaw zat chu kum dang aia tam deuh hlek chu a lo kal ani. Amaherawh chu, thil rapthlak em em aman pawnin a hei zawng a manage theih loh in a lang e, kan in hnemna hi chu 11th Finance Commission te nian recommendation an rawn siam that chuan kan deficit nuai 4 leh singhnih leh 37 hi tih nep dan a awm mahna tiin beiseina chaun kha a rawn au chhuahpui ta ani a.

General Discussion hi kan han chuan chho dawn a, Demand wise pawh kan ti chho ang. Hemi Opposition lam atang hi chuan Budget hi mumal a neilo lutuk a. Kan Chief Minister in Zoram mipui pa ber nihna chan changa a fate lungngai suh u sum hi a tam ania a tih zawng zawngte kha, nikum '99 March 21 a a sawiah chuan a taka la tello anih pawnin, 1998 Dec. 3 atanga Sorkar kan ni a. Zoram mipuiin kan nghah ngat ngat a, M.L.A te pawhin tunah chuan a Budget siam vawi 4-na ani ta a, sawi angin Annual Financial Statement an hian pawisa sen pakhat pawh a lang silova.

Hmanni ah khan Press hmaah pawh ka sawi tawn a, Karnataka State Bank te chu kan let sawn a hausa an ni a, maherawhchu, a Budget Deficit te kan har en chuan kan let sawn a Revenue lak luh pawh, kan let za iti teh ang, chutiang ang ah zawk chuan Deficit vaibelchhe 71 an han neih khan an rilru a nuai a, an ram tan tha lo an ti a, keini erawh chuan Annual Financial Statement an hian, kan hotupa ina tih ang zawng zawng kha pawisa sen pakhat pawh a Budget vawihnin putluh an hian lang a awm silova, intihderna Budget ani lawm ni ? hei hi. Chuvang chuan ne Budget hi kan discuss ang, amaherawhchu, vote pui tlak ani em ? ni lovem ? tih hi chu

uluk takin kan thlir dawn ani.

Tin, Pu Speaker, hemi Explanatory Memorandum kan han en pheh chuan pawisa tam tak lo kal len turin nimin lamante khan kan Finance Minister, Chief Minister ni bawh khan a han au pui ringawt mai a, engtizia nge ni ? a mang lam thu a rawn sawi nge ni ? a hote, Budget siamtute'n a nakum Deficit leh tur an forecast hi han en ta ula, pheh 5 na hemi Explanatory Memorandum on Budget for the year 2000 - 2001 ah pheh 5 na han en ten u, nakum a Deficit leh tur an forecast hi Rs. 307,45,8,7000/- an forecast ani a, khatiang ang Chief Minister ni bawh Finance Minister ni bawh kan lo rin em em thin khan min han bum nasat zia han en hi chuan-in, he Budget hi cancel tlak ani a. He Budget hi discuss tlak tak tak pawn ani lo ani. Entirnan, tunhma Congress hun laiahte pawn khan, non-plan chu awm tawh sa ani a. Plan lam ringawt pawn awm lo anih khan chumi a chian hme chuan Budget hi a full-in an buatsaih ngailo ani.

Tunah hian chhannaan chuan Budget bu hnih a nei thei lo tiin in chhang ani mai thei. Amaherawhchu, chu chu Mizoramina a sawi mai mai thin ani. Budget ni bu hnih pawn bu thum pawn an siam thin. Tunah pawn hian Budget bu hnih kan neih chhoh chu Entirnan, Nimin mai khan Supplementary Demand kan pass ta a. Chu Budget bu tho ani. 1999 March tula a kan Finance Ministerin a present tawh bakah khan kan lo kal ani a. India Constitution kan en hian a tul anga revise siam hi tum hnih tum tum pawn khapna dan chhunhan pakhat pawn a awm lo reng reng. Chuti laia netiang ang base tak tak nei lo, figure neilo, Budget rawn buatsaiha, 2000-2001 inkara kan Annual Plan pawn hre si lo, kan non-plan pawn hre silova, a last year level rintnu a buatsaih hi zawng khawvelah tumah dangin an ti ve ngailo. Tuna kan Sorkar ding lai hian khawvel record a break ani, heti kawngah hi chuan. A mak ani ! Chutiang mai mai chu kan in kaihhruai dan hi ani a.

Tin, kan deficit a chhanna ber chu heng hi ani tih kha nimin lamah an sawi a. Amaherawhchu, eng ngeni Ministry kan han siam tirha, kan Chief Minister, Finance Minister ni bawh khan a sawi kha. Zoram mipuite hnenah chuan "Zero budgeting atangin kan tan ang. He Financial Problem kan neih, pawisa bawm ruak kan rochun a hi, Central Sorkar chuan Peace Bonus-in min thunkhah sak dawn a, tuma thal ve theih loh tui-khur kan zuk hiat ani" an ti a.

Tin, kan senior Cabinet Minister thenkhat te chuan Memorandum of Settlement Peace Accord ah khan, leiba thinna bu a awm ani tihte, Bung leh chang awm ani tih ten an han sawi a. A hawzim thlak ang reng a, kang kha. Entirnan, State thar emaw a lo pian hi chuan, khami a pian kum a tana, revenue

gap dah khahna tur leh plan lamah Capital Expenditure tur ani emaw, khatiang ang dahkhahna tur akha chu, peace accord neilo State pawh hian a keng hrim hrim. Meghalaya State a an chhoh khan, khatiang ang kha a tawn tawnah a keng a, planah leh non-planah. Arunachal an chhoh pawh khan a keng a. Tripura an chhoh pawh khan a keng a. Peace accord thil ani lo. Constitutional thil, a practice convention ani. Chung ang te chu Zoram mipui hnenah hian hawizau silovin, heti laia mipui hre tlemte hnenah hianin dawt sawinan an hmang thin a. Hei hi intihderna Schoolah, tuna kan Sorkar hian min hruai lut ani a. A thu hrim hrimah Peace Bonus an sawi angte hi, a tak lo ni ta se, vawihnih Budget buatsaihnaah hi chuanin khami atanga, a rah kan seng tura hi chu a lang tur ani! Cheng vaibelchhe 50 kumtin kum nga atan pekin kan awm e' tih te hi chu, keini chauh dawn ani lova, India hmarchhak State-te, economic infrastructure chungchang thua kan back log a nasat bik avanga, Sikkim Sorkar pawh tiama, Central Sorkarin a heng hi min buatsaih sak ani mai a. Chutiang anga kan zuk ngaihtuan pnei chuanin, Prime Minister Package January 22, a Governor leh Chief Minister hrang hrangte a ko khawm a, a han announce ah phei kha chuan, kan chan hi a pachhe ngawih ngawih ani. Kha tuikhur tuma thal ve theihloh anga Zoram mipui a kan sawi kha an lo thal ve thei cniang ropui nasa mai si a. State dang hovin kan aia tam an thal ani.

Home Minister ngei pawh chuan Rajya Sabha leh Lok Sabha ah chuan Peace Bonus tih chungchang thu ah pawh, India hmarchhak State palite hnenah pawh pek ani ang tih a han sawi leh ta ani a. Hemi minrawn pek chin entirnan, April Ni 6, 1999 ah overdraft kan nei nasa lutuk a. Tahchuan a hranpa in special ways & means min pek loh chuan Reserve Bank of India in payment min stop sak dawn si a, chumi a special ways & means a minrawn pek tawh rulhna atana an tih ang a te kha chu a lawmawm ani. Kan lawm em em.

Amaherawhchu, kan sawisel thinna laia chu, kan Chief Minister in a diklo zawnga Zoram mipuite zirtir a, thil ropui tak mi aia danglam bik tur anga zirtirna thin ani kan sawisel lai achu ani a. Khati chin kha chu hetah hian an ziak vek alawm. Kan hmu a. Amaherawhchu, khami rual khanin entirnan, heng hlawhpung kan han siam ate pawh mi ramah chuan Punjab ramahle leh hmun hrang hrangah a chang chuan cheng vaibelchhaa hliir a rem zariat an pek changte a awm a. State hrang hrangah khang kha grant in an pe thin ani. Entirnan, Assamahte pawh chutiang chuan an pe. Keiniah Interest tellova loan a laktura min tihsak lehte hi a vandaithlak a, India Sorkar hian min zuam lutuk ani tih ati lang Chiang a, heihi a pawl tak zet ani.

Tin, chubakah Memorandum of Understanding helaiiah pawh ani love ti a an han hnial tain a kha, hemi kan Finance Commissioner Mizoram aiawh a signed leh Ministry of Finance a Pu Chaube Joint Secretary in a sign kha Cabinet hian in Memorandum of Understanding ani tih 30.9.1999 1:00 PM Meeting ah khan chiang lutukin a ziak a, tah hian. Hmannia kan Member pui duhtak Col. Lal-chungnunga in hau mai kha, kha hauna kha hauna diklo ani. Cabinet hian Memorandum of Understanding ani tih a ziak chiang em em a. Kan Chief Minister Portfolio atanga lo kal ani a, phat theih ani lo.

S P E A K E R : A ziaktute ziah kha ani lo a maw ? khatiangin i sawi tur ani lo a. A ziaktute ziah kha ani lova. Nangmahni tela Cabinet in intih zawk kha ani. Kei chuan a ziah akha ani. Kei chuan April 8, a ziah kha ani ka sawi ni. Khatiang in Speaker diklo takin i charge tur ani lo.

PU LALHMINGTHANGA : Pu Speaker, heihi Memorandum of Understanding ani a, keiina ka sawichhuah duh chu hei hi April 8, a signed ani.

S P E A K E R : April 8 a signed kha sawila, In Cabinet ina in tih kha chu sawi suh. Kei chuan April 8, a signed kha ani ka ken, kha kha hre hrang tur ani. Diklo taka Speaker in charge kha ka duh lo.

PU LALHMINGTHANGA : Pu Speaker, i ngaihnan kha chu ka cross lo ang. I thuneihna kha zahawm ka ti a. Engpawh nise hei hi Cabinet

in Memorandum of Understanding tiin a kova. Tin, group of Officers recommendations a Peace Bonus an hrilhfiah-naah hian Para 4 naah hian an ko bawka a. Memorandum of Understanding ani.

Tin, Memorandum of Understanding ah hian Memorandum of Understanding tih hi a tlangah ziah vek ani kher lo. Entir nan, Memorandum of Settlement pawh a hming pakhatat chuan Peace Accord tiin Treasury Bench lam pawh hian an koh mai ani. An object ngailo. Kha kha khawvel kalhmang ani. Tichuan, hemi hi signed a tullohna em em chu Gujarat, Punjab in an signed tiin kha lam atang khan an sawi duat duat ani. Amaherawh-chu, India Constitution hi kan en chian chuan Article 275 naah hian keini Tribal hnufual bikte tan hian hetiang Memorandum signed ngailova kan pawisa indaihloh chang chuan Grant min pek theih zawkna tur ani. Hei hi Finance Commission ho thawh chhan tura ruat ani. Article 275 ah khan 'Grant from the Union to certain States' a ti a. Chutan chuan a paragraph 2 ah hian Scheduled Tribe area tih leh Scheduled Tribe ho tan tih ani a. Heng hawi zau lova, a ruk a Council of Minister a awm ve reng keinite pawh min hrilh chuang lova, khatiang ang an lo sign te kha a diklo em em a. April Ni 8 ah an sign a, September Ni 30 ah hriat tir kan ni chauh a. Kei phei chu khami ni khan ka zin dawn avangin ka awm lova.

Tin, Cabinet Agenda tur ka ta an rawn tihah khan No. 5 na hi chu a hmunah pek anni ang an ti a. Khami ni a ka awmlah avang khan, ka hrelo nghe nghe ani. Chutiang khawpa inthlimna chu ani a. Entirnan, India hmarchhak ah Scheduled Tribe dang, State dang dang kan tam a. Assam tihloh hi chu chutiang ang chu kan ni. Engati nge Assam kha sign tur a an tih a, keini min tih a, keinin kan sign mai a. Meghalaya te khan sign turin an ti a, an duh lova. An tan chhan chu he Constitution Article hi an tan chhan ani. Chutiang anga Constitution a kan dinhmun pawh hre lova Sorkar hruate, kan Financial problem chingfel tura kan dinhmun pawh hrelova, Central in a tih apiang lo sign rikngawt te kha a pawitak zet a. Chuvangin, he kan Budget hi a tha lo ani, a real lo ani.

Tin, he Memorandum of Understanding an sign hian, a tih tur hrang hrang a rawn ziak chhuah hi kan non-plan liability crore 447 leh nuai 16 awmah khan, mipui lamah a rulhna tur phurrit kha an rawn pe let ta a. Min pek chu crore 180 chauh ani a, a bak zawng crore 200 chuang khalaiah liabilities awm akha chu, Electric tariff khawn tam ula, land tax zawng zawng House tax te khawn tam ula, tui bill te khawn tam ula. Tin, in electric Deptt. te hi thiat in privatise in company ah pe ula, ramdang atanga Revenue lakluhna siam thei thila awm hi a tha love' tiin Zoram mipuite hnenah hetiang phurrit zawng zawng hi, cheng vaibelchhe 447

nuai 16 a phurrit lo awm tawh hi 180 chu pawh chu "Vai-belchhe 93.50 hi chu hlawh atana in lo tih tawh hi pukin kan pe che u ang a. Special Ways & Means in hlih theih loh vaibelchhe 82 nuai 45 hi kan tih reh sak bawk ang che u a, a dang zawng hi chu in mipuite hnenah la vek rawh u", tiin appointment thangtharte hnenah kharna tur, vacancy fill up lohna turte, pension hmun ruak 10% kumtina tihbona turte, tah hianin in sign ba ta a. Heng hi Zoram mipui tan phurrit leh rapthlak ani. Chuvangin, he kan Budget hi budget zawng zawnga chhe lawt lak ani a. Vote tlak anih leh nih loh hi chu Opposition hi chuan kan ngaihtuah dawn tih ka rawn sawi ani e. Pu Speaker, duham changte a awm a. In thinlung ka lo tina palh anih pawhin khalai kha chu kan hotupa i ni a, min ngaithiam dawn nia. Ka lawm e.

* Speech not corrected.

S P E A K E R : Hun hi Ni 2 chauh kan neia, ka duhsak em em che u a. A hunah chuan tihtawp tum hram hram ula. Hun dik taka vawn i tum hram hram ang u. In khap hi nuam lo deuh ania. Pu J. Lalthangliana.

PU J. LALTHANGLIANA : Pu Speaker, kan Budget hi kan Finance Minister khan a speech a a rawn ziah ang khan ani pawhin nikum level anga han dah hi a hrehawm ka ti khawp mai a ti a. A dahna chnan chu hotupa'n a sawi tawh a. Hei calculator nen kan lo inchhawp buai em em mai a. Ka lo hisap ve chu Finance Ministerina kan leibat zat zawhna chhanna Unstarred Question ami hi ka lo chhut a. Financial Institution leh Central atanga loan hrang hrang rulhtur kan neih zat hi ceng vaibelchhe zariat leh sawmnhieh leh pasarih leh mak-taduai ruk leh nuaikua leh singsarih leh sangkhat a tling ani. Tia, tichuan, kan budget deficit cheng vaibelchhe zannih leh sawmli panga leh nuai sawmthum leh pasarih nen hian kan belh khawm a, kan bat zawng zawng chu Mizoram hian cheng vaibelchhe sangkhat leh sawmkua leh nuai ruk leh sing sarih leh sangkhat zuk nia mawle, turu tak ani. Tichuan, ka han chhut ta zel a. Mizoram mipuite hi nuai sarih kan inchhut a, calculator atanga kan chhut dan chuan piang tawh zawng zawng hian kan bat zat chu nuai khat leh singnga leh sangnga leh zasarieh nilo, singkhat leh sangnga leh zanga sawmsarih leh pahnih leh pawisa sawmnhieh leh pariat theuh kan ba anih chu mawle, turu tak ani. Kan chnungkua hi pasarih kan ni a, ka chungkaw bat zat kan chhut leh a, nuaikhat leh sangkua leh cheng nga leh pawisa sawmkua leh paruk kan chungkua

hian kan lo ba reng mai a. Chu chu engpawh nisela, a hmasa atanga kan bat kha kan ti pherh ang a. Tichuan, nikuma kan financial tih dawn a opening balance kan neih kha cheng vaibelchhe za leh sawmli leh panga leh point four four ani a. Kumina Opening balance hi vaibelchhe zahnih leh sawmli leh panga point pathum leh pasarih ani a. Kumin chhung ringawta kan bat zat kan Finance Minister in mismanagement unmanageable budget a rawn tihah hian amah pawn a rawn ziak lang a, vaibelchhe 99.3 kumin chhung ringawt khan kan bat belh a.

Tichuan, ka han chhut leh ta a. Kan Finance Minister ina sum a enkawl thiam loh avanga, kum khat chhunga Mizoram mipuiin a kan bat zat a hi cheng 1427.57 a tling leh ta a. Kan Finance Minister in kuminah min bat belh tir kan chhungkua in kan chhut leh ta a, Rs. 9992.99 kan chhungkua hian kan ba hman der mai a. Kan pawisa enkawl dikloh avang hian. Chuvangin, kan Budget sawiho tur hi ba bu ani ta mai a. Kan Chief Minister pawh hi Finance Minister pawh hian hei amah ngeiin a ziak a, kan ba tam ta deuhva, unmanageable ani hial e, keini Mizoram State te ang tan hi chuan a ti a. A khawngaihthlak hle in ka hria a. Kalpui hleihtheih loh leiba neih rikngawt mai a chu. Kan batna chhan kan han sawi a, Sorkar hnathawk hlawhte kan tipung a, engemaw pung neuh neuh chungah chuan a awm a, ba lo thei lo kan ni a ti a. Mahse, ba lo theilo pawh nisela, kan Opposition leader in a sawi tawh a, kum lo kal turah chuan chungte chu a tihdan kawng a awm ang chu, kan ba lo ang chu kan han ti a. Mahsela nakuma kan Opening balance leh tur a chu, kumin aia tar ani dawnin kan han chhut-chhuak leh ta a. Cheng vaibelchhe 300/- chuang kan chhut-chhuak leh ta ani. Chuvang chuan, kan Financial management hi a fuhlo ani tih hi he House hian, Kan Chief Minister in unmanageable a tih ang deuh hian a fuh lo ani, tih hi kan pawm a tubin ka hria. Chubakah chuan kan pawisa hmuhna tur kan han tarlan thenkhatte chu MOU ahte ziaka ni a. Eng chhit man tihpun a niang a let deuh thaw in a pung dawn ta a, kan ngaihtuah thin a, nimin pawh khan ka bial ami ten min rawn phone thin a. Ka bial Kanghmun tlangdungah chuan kum tluana an eng hmuh zat hi thla sawm leh thlahnihah chian thla khat pawh a tling kher lovang. Fee an rawn khawn dawn hian an eng zeuhva, tichuan, an han knawnfel a, a englo leh ta mai ani, an ti a. Cnuti khawpa rilru hrehawm ngawih ngawih a enloh man an pek laia, a let a han tihpun hi chu hrehawm ka ti tak zet mai a. Chuvang chuan hei kan budget han en hian nikum level in kan dah mai ani an ti a, a lem chuang reng reng lo. Vawiin niah kan sawi tlang dawn ani a. Nimin khan ka rawn phar ve a, kan sawi hman ta lova, nikuma kan Finance Minister ina Finance bawm a bu bawm min pek suitcase kha ka rawn khai a, kumina min pek ka rawn knai bawk a, kan sawi hman ta lo alawm mawle.

... kawm bak kha a danglam vak lo a case bak akna. A funna bawm a dum, khai theih kan ti a. Nikum knan suitcase angreng khan a rawn fun a, chuti deuh mai chu niin ka hria a, a chhunga a awm a in-ziak, kan pawisa hmuh tur leh hman tur a ngai deuh vek, chuang chuan vawin a kan budget sawi hi sawithiam pawh a har, tin, kan Finance Minister in a sawi reng thin, mahni a intodelhna kawng kan zawng ang, a dik ani. Central drip khai a nun fo hi tih reh theih dan kan zawng ang ti chung si hian budget a ruahmanna thenkhat hi kan en a, entirnan, Mizoram in a chhiah pawh nilo, tute emaw hnena tuk luihna lak tur pawh nilo, sum hmuhna awlsam tak tura ka ngaih Tourism te hi sum laklunna atana thil tha tak nisi, mahse, ruahmanna thar awm mang lo ani tlat mai. Tourism Department te hi chu tun ai hian ti lian ta ila chu direct tax nilo Aizawl knawpui kawngsirahthe pawh weekend miten an va hman a, an va intihhlina tur hmun te nei a, chung atanga sum laklunna awlsam tak ni thei tur si hi kuminah hian Tourism lam atang nian ruahmanna thar, pawisa laklun tumna hi a awm mian lo maite hi pawh ka ti em em a. Sum bawm ni mai cur, State dang zawng zawng ina sum bawm pakhat, sum laklunna awl tak nia tunlai khawvelin an hman tawh, India Sarkar pawnina sum laklunna atana ruahmanna tam tak a siam ani a. Heti laman nian engman ruahmanna thar a awm lo ni pawh ka ti em em ani.

Tin, nei Central University kan nei dawn a, Rs.25 crores lai kan hmuh belh dawn e kan ti a. Chief Minister tnuawian pawh a lo lang a, mahse thil pakhat University bill te pawn kha kan hmu theuh tawhin ka ring a, Lok Sabha ami kha. Ngaihtuah ngun ngai deuh a awmin ka hria a. Pawisa hmuh dawn avang hian lawm ringawt tur a lo ni naun lo mai. Kan neih lai mek NEHU te nen a inkungkaih dan tur an ziate hi mumal deuh a kan tih chian a tulin ka hria. NEHU assets kan chhawm dan turte leh a thawk laite kan University neih tura kan benbel dan turte ngaihtuah chian a ngai hle in ka hria. Chuwang chuan, a phawvuakah vaibelche 25 kan hmu dawn tih a lawm ringawt ai hi chuan a tak tak tur hi em chian tha hle in ka hria a. Chungte chu zirna lamah chuan ka sawi duh a.

Tin, Pu Speaker, ka sawi leh dun chu, zawhna ahte kan zawt thin a, mahse, a lang thei lova. India raman literacy ah kan sang ber e, a lawmawm ani. Mahse, hetin lai hian kalphung thar a lo lang ta lo pawh ka tih em em chu kumtin hian Metric Exam 28%, 29%, 30%, 32% ani a. 40% kan kai ngai mang lo. Kan nula tlangval ten Metric an han exam a. A tam beran 40 an pass a, 60 chu an fail thin ani..... ngawt mai. Chumi chu engman tih tur an nei lova, zirna an hre tawn lova. Open School tihte len Private ahte an kal a, an tan a narsa em em mai a. Chutiang tichangtlunna turte chu budget ahte tel sel. Kan zirna system ni kan thlak lon chuan kan Hnam nun nian kan thalaite nunan hian effect a nei ta a. Hengte a niin ka ring a, knawlaia kan

nula leh tlangval sualta kan tihte, kum 20 dawn lek lek a, engemaw avang a inawkhlum leh drugs a thi kan tihte hi, hengte hi Budget ah hian tilang ila, kan thil tumah lang sela. Education system a hi hetilai vela kan siamthat loh chuan Pu Speaker, kan hnam tan hian 100 ah 95% literacy percentage ah kan sang ber e tia kan lawm rual rual hian keimahni chu kan in enchian ngaiin ka hria. Education system ah hian chung chu kan sawi lang leh duh a.

Tin, PWD hi kan sawi leh teh ang. PWD hi sawisel hlawn tak trin kha nia mansela, mak tihve ka neih chu Sorkar hmasaah khan Aizawl khawlai hi an siam apiang hian an han siam zova fur khat an zawh chuan speed breaker ni awm tak hian a vang zawn hian a bawl vek mai a. Hei, Minister thar kan nei a. Aizawl khawlai an siam a, a mam zun ta mai a. Ka tlan apianga ka rilru a awm trin a chu Engineer ngai reng a kha kan hman chu ani awm si a, a mam ta tlat mai a, Minister hi a lo pawimawh ber anih hi mawle, kawng mam tur leh turlo ah hian le, te ka ti deuh rum a. Chuvang chuan, Aizawl kawng mamte hi chu fak loh theih loh niin ka hria a.

Tin, Inrinni hmasa khan ka bialah ka zu kal a. Kanghmun tlangdung khu Congress MLA zahawm takin a kum 14 a lo bial tawh ani a. Jeep hi a kal thei chang chang a. Hei Kum 1 lek chhungin kawng 2 atangin Rawpuichhip atangin bulldozer 3 in Buarpu panin an lai pheik mek a. Aizawl Mission Vengthlang atang kuan Reiek tan tlangin bulldozer 3 an bung mek bawka a. A lawmawm ka ti em em mai a. Ka lo kal dawn ani, keiman ka rawn en ang keimah ngeiin ka rawn riah chilh ve teh ang I.B ah khan keipawh ka lo riak dawn e, a van lawmawm ve ka ti a. A va'n lawmawm ve ka ti a. Chuvang chuan, chulala chu kan fak duh a. Mizorama khaw kar awmna nisi, lui kan tur pawh awm lo, tlangdung nuam em em mai, Rawpuichhip atang chuan, khuti taka hlamchhiah, Ministry hmasa pheik chuan, an sawi dan tak pheik chuan Hauhuk hualreuna rama siam ka tum ani an ti e an ti a. Hauhuk pawh a la hualreu reng a, chutiang khawpa kawngchhia, kan nan hma tan te khu lawmawm ka ti a.

Chubakah chuan PWD hi hmasawn kan tum ani ang. Chief Engineer 2 te kan nei a, hei hmun tinrengah hma tharte kan han la a, a lawmawm hle in ka hria. Hmasawna chikhat chu PWD ah hian a langin ka hria a, han sawitel tha in ka hria ani.

Tin, chu lo lehah chuan R.D hi, Rural Development hi tah hian a lang vak lo nang a, mipui khawih deuh mai Department hi niin ka hria a, hmansual chuan Hnam rilru pawh tichhe vek thei ani a. Heta sum hi tangkai taka hman chuan, a tangkai dawn teh reng nen, tunhma lam khan kan lo hman diklo nge ni a, thingtlang rilru pawh hi a tichhe phak ani, kan hmandik

loh chuan miretheite dawmkanna tur ni si, khua leh khua inkawmngaih loh nante kan hman a.

Tin, Veng inkawmngaih loh nante kan hman thin a. Chung zinga tha em em mai, Border Area Development Department atana pawisa tam tak kan hman-te hi hman thiam chuan tha tak mai ani a, hman thiamloh erawh chuan, entirnan, rentin daih, Border Area Development pawisa hi rentin daih, duh leh Damdawiin pawh siam mai, duh leh kawng pawh laih mai, duh len Sikul pawh sak mai, a tul leh Hall pawh sak mai ani a. Sorkar hmasa khan an hman thiam lo nge ka hre lova. Ka bialah chuan Chakma khua zawng zawngah hian Hall a awm deuh vek mai a, a bang nei a awm chuan, chung a nei lo tal a. Chung nei anih leh bang a nei lova, tichuan Nuai 10 dawn dawn hi an hman a. Chuvang chuan heng pawisa lo lut te hi hman that chuan Mizoram tan a tha em em. Hmanthiam loh erawh chuan thenawm leh thenawm inngeihlohna thleng, Party leh Party innghirngona thleng thei, mimal leh mimalin itsikna thleng thei ani a. Chuvang chuan R.D. hi a bik takin kalphung tharah hi chuan haw rawh u, Ram hmasawn nan, thenawmte kan inngeihlan nante hman tha in ka hria. Kum khat kan han hman chung erawh hi chuan kalphung hlui kha kan entawn nge ni aw ka ti a. Kalphung hlui ai khan a zual em ni ?

Ka bialah chuan Border Area kan ni a kha sum khan min ngawng bawka. A hmasa ai khan a chhe zawk mahin ka hria. Contract a pek a awm a, tute emaw in duhsakna a awm a. Tin, chubakah hmanni a kan sawi ang khan thawh reng reng loh a pawisa laknate a awm a, chuvang chuan Pu Speaker, R.D. hi a pawimawh em em mai a, hemi hman hi remti phei la chu Parliamentary enquiry Commission kan ti dawn nge ni, tunhma hman dik anih theih nan hian he sum ahi a endiktu hi insiam nghe nghe ila, i ho hian, chu chuan endik ta thin ila chu he pawisa kan hman soal avanga Zoram tana thil pawikan thinlung thlenga min tichhe thei kan sum hmuhdan tur thlenga min ti chhe theiah hian en ngun tha hle in ka hria. Pu Speaker, Ka lawm e.

PU LALHMINGTHANGA : Pu Speaker, Opposition lam kan han ti a, tikhan ain thlakthlengin chu chu debate kalhmang ani a, an ngam tak tak anih chuan han sawi ve sela.

S P E A K E R : Kan hun pek hi a tlem lem lova. Naktukah zawh kan tum

dawn a, a tawp lama min nawr leh chuan, nei insawi tha duh der lova, ka tang ve tlat dawn ania. Kha kha chu in hriatsa a ngai ve dawn tlat. Pu C.Thanghluna.

PU C. THANGHLUNA

: Pu Speaker, sawi tur an awm vak loh avangin nakinah kan inchuh leh nasa dawn si a, sawi hmasaah tang mai ila

tha in ka hria a. Kei phei chuan sawitur tam tak ka hrelo mai thei a. Hei kan budget kalphung hi keini tan chuan hriatthiam pawh a har a. Hetia ka han en ve mai mai dan hian kan budget kalphung hi Sorkar indaihlo, deficit renga kalcho zel tan chuan hetiang budget kan kalpui zel hi chuan Mizoram tan hian a tha ber awmlo mange tih min ngaihtuah chhuah tir a. A chhan chu, he kan budget Annual Plan Budget ani emaw, Annual non-plan Budget ani emaw a figure hre hmasa lova Vote on Account a kalpui kalpuia, a tawpah budget bu siam thar leh chi anilova, siamthat leh chi ani lova, He Budget bu nikum lam size pangngai a siam tawh, khami lo kha keini tan a hmuh tur awm tawh silo, khami rin chhoh fo mai a, thuhruk budget tam lutuk thin a hi Mizoram budget kalphung atan a tha awmlo mange tiin ngaihdan ka nei a. Tichuan, kum tawpah Supplementary Budget pass a lo ngai leh ta. Supplementary Budget figure a sang chho tial tial a, Annual Budget figure a pung thei chuang silova. A ruling lam tan chuan Supplementary budget sang chho tual tual si a hi a nuam viau awmin rinna ka nei a. Kan Chief Minister zahawm tak tawngkam han hawh ta ila, fatu huiin a budget an siam, anmahni duhdan a an siam State Legislator te in rawlh ve theih tawh silohna budget khatiang kha a lian chho tial tial mai hi, ram budget a indaih silo, deficit a kal chho reng tan hian a tha berin ka ring tlat lova.

Hei kuminah pawh Supplementary budget kha kan pass tawh a. Supplementary Budget figure kha a sang hle tawh mai a. Khami kha han en ta ila, kan ram tan kha Supplementary Budget a budget an lo siam akha a tha ber em ? Kan mamawh dik tak ani em ? A dang thenkhat kha chu pawisa hman ngaihna hre mang lo, duhtawka pawisa hman tur nei kan ti zawk dawn nge, hman sen loh hlauva Budget siama hman tak mai maite pawh kha a ang riau mai a. Chuvang chuan Budget siamah hian a tu a pawh hi lo Sorkar ta ila, fimkhur chu a ngai hle ta ani lawm ni ? tih mi ngaihtuah tir a. Kan Budget kalphung hi ka han en ka han en a, tunhma in District Council ah te kan lo awm a, District Council Budget ah kan la in confined ve thin a, State Budget te hi chu a kalphungte pawh a lo dang a, amarawhchu, tuna kan ram hetiang deficit hlira a kan kal lai hian kan Budget siamdan kalphung tunhma a kan lo siam dan pangngai dung zuia

kan kal zel ringawt chuan engtikah hian nge kan deficit hi a bo ang ? kan Budget leh kan mamawh dik tak, kan receipt leh kan expenditure inmil theih hun tura hi a hla lutukin ka hria. Chuvang chuan, Budget kan siam hian thil thar, revenue permanent tak or regular taka kan hmuh theihna, a State intuamhlawmna tur Budget hawi zawnga kan Sorkar te hian min kalpuilo anih chuan, hetiang zela kan kal anih chuan kan Budget deficit hi a sang chho tial tial ang a, nakinah chuan Sorkar tu pawh lo ding dawn ta sela, mualpho tur ringawt a sum leh paia hman tur awm silova Sorkar kal turte pawh hi kan la ni mai awm mang e. Central Sorkar a an tanpuina te kan va dil a, sum chuang inpek theih dan kawngte kan va dil a, Central Sorkar an lo tha viau ani mai thei, engtik ni ah emaw chuan Central Sorkar kan chungangilneihna nei duh miah lo an la rawn awm anga, chumi hunah chuan kan State Sorkar chuan sum leh paiah harsatna nasa tak kan la tawk dawn ani.

Chuvangin, Budget kan siam dan hi he State ina regular taka revenue a hmuh theihna tur leh a intuamhlawm theihna tur zawnga Budget siamthiam a ngai hle in ka hria a. Tuna kan Budget ka en thuak thuak danan chuan knatiang lam kha a la hawi ta lo reng reng a, amaherawhchu, kan dinhmunah chuan warning a na hle tawh si a. Nakum lama kan deficit tur amount kan hmuh pheih chuan kan warning na amount hi a lian tulh tulh mai ani. Chuvang chuan, kan Budget siam danah hian thil diklo, fel tawk lo, Budget kan siam dan leh duan lam hrim hrim atang hian fuhlo chu Mizoram hian a nei tlat in ka hria.

Chuvangin, a tlangpui thuin kan Budget siam danah hian fimkhur a ngaiin ka hria a. Supplementary Budget kan han tih pass loh theih siloh, hmanzawh vek tawh si, State Legislator te inrawlh ve theih miah siloh, kan hriatpui siloh, he Budget figure lian chho tual tual hi corruption kawngka zau tak a in hawngah ka ngai ani. Supplementary Budget kan tih tet tial tial theihna turin kan Budget figure te hi Budget kan siam dawn hian hriat hmasak hman hram hram a tha lawm ni ? amaherawhchu, supplementary Budget te hi awm lo hul hual thei ani lova, kan pawisa mamawh tawk Central Sorkar hian min pe tak tak thei lova. R.E an pawh pawisa kan dil belh lo thei lova, chung R.E Stage a pawisa min pek belh a chu a la awm tho tho tur ani. Amarahchu, a tih tlem dan Supplementary Budget an chuan ngaihtuah a tha, annual Budget hi pung chho tual tual a kan kal hi a fuh zawkin rinna ka nei ani.

Tin, Forest ahte hian a Department wise deuhin han sawi ila Forest ahte pawn hian e.g. cnhimlamah sawn wild life sanctuary State Sorkarin a enkawl chungah pawh chuan Revenue hi Sorkar-in kumkhatah engzatnge a lak ve thin revenue hmuh nan

an hman em ? tihte pawh ka zawt ani. Amarahwchu, ka zawhna kha zawh hman lohin a liam a, written a chhan tur ani ta a, Pu K.L. Lianchia zawhna leh ka zawhna chu nil in min chhang ani. Hetiang hi chu awm tawh lose, a memberte kha zahlo zawng pawh nise House ah chuan angkhata in en hi a tha in ka hria. Tichuan, hemi ka rawn sawi chhuah duhna chhan hi chu Budget kan siam hian nichina kan sawi ang khan a revenue earn zawnga Budget kan siam a pawimawh tlat a, neng Wildlife Sanctuary te pawh hi pawngpaw enkawl a enkawl satliah ngawt lovin, revenue nei tham law law a enkawl a kan siam kha kan State Sorkar tan nian tha tura ka ngaih vang ani a.

Tin, hei Public Health Engineering Department hi han sawi ka duh a, hetan hi chuan lawmthu han sawi ka duh deuh tlat mai a. A changin sawiselte, a changin lawmthute han sawi loh theih lohte pawh ani ve a. Hei, Lawngtlai khawpui tan hian Thal laia an harsatna, tui in tur harsatna avanga manganna nasa tak a awm thin a, mipui aiawh kan nih chuan mipui mamawh hi kan sawi loh theih loh thin ani a, hetah hian zawhna ahte pawh ka rawn zawt a, amaherawhchu, P.H.E Department changtu Minister zahawmtakin hei hi Greater Lawngtlai Water Supply Scheme buatsaih ani e, tiin a chhanna ka hmu a, lawmawm ka ti hle a. Amaherawhchu, Estimated Amount a rawn tarlante hi 1993-'94 vel laia, chutih lai chuan han ti ve ngial ila, sawlai Lai District Council ahte a hming a CEM a a ka awm velai a, EE, PHE Estimate ka siam tir.. Chumi figure chu ani a. Tichuan hei hi tihhlawhtlin tumna awm anga kan Minister concernin a rawn sawi hi lawmawm ka ti a. Amaherawhchu hengte hi tumna awm reng si, a tih tak tak tumna awm chuang lo, chutiang chuan, a kal reng thei bawk a. Chuvangin, kumin kan Budget ah hian a Work Scheduled a hi kan hmu thei si lova, Work Scheduled a hnekin tunah hian Vote on Account thlakhat atan chauh ani bawk si a. Nikumah khan kan Chief Minister zahawmtak khan, Work Scheduled kha min pe thei lo kan ti a.

Kan Budget Session chung khan "Ka pe ngei ang che u" min ti a. Mahse, vawlin ni thleng hian kan hmu ta chuang lova, kan Chief Minister zahawmtak pawh hian hetiang House assurance a pek tawh kha chu tihlewhhtling thei sela chu a lawmawm hle in ka ring a, chutilochuan, Member zahawmtak tak te tan "Pe ang" tia pek leh silonte hi a hrilhai thlak hle a, a hrehawm viauva, chuvangin, hetah pawh hian Greater Lawngtlai Water Supply Scheme propose a ni e, proposal a awm e, tih ahi kumin Budgetah hian tihhlawhtlin tum a tha hbe ang. A zawh phei chu kum khata zawh mai chi ani lova, amaherawhchu, a bul tanna tura token amount engemaw tal hi Budgetah dah ka beisei tlat a, chutiang anih si loh chuan..... Aw, chutiang chu ni thei sela, a lawmawm hlein ka ring a. A taka thil tih hi a pawimawh thin a.

Tichuan, kan sawi leh duha chu State PWD hi ani a. State PWD hianin Chhimlam hi a thleng phak lo emaw tih tur hi ani tlat mai a. Hei Hmar lamah chuan kawngthar, National High Way hrang hrangte laih mek ani a. Heng hi a pawimawh a, helama pawisa kan hman a, ram kan tih hmasawn hi a pawimawh em em a. Mizoram tan ani a. Amaherawhchu, Budget kan siam hian, entirnan - Chief Engineer Office ina pawisa Budget a han dah dante hi detail zawk deuha dah nita se, chutilova, pawisa hlawm tawp maia dah thin hi a tha ber emaw chu aw, tih danglam deuh hi a tha lawm ni ? Division tinahte hiar. kumkhat chhunga an hmalakna tur pawisa te hi Budgetan hian lang ve thei ta sela. Tichuan, lo in hmakhua lawk dan turte pawh a awm ve thei ang a. Entirnan - Saiha Division hnuaiiah, Lawngtlaite pawh dan ani a, ama'rawhchu, Nalkawn Chamdur road kan tihte, NEC atanga laih; metalling an lo tih tawh chu State P.W.D kutah hlan tur alo ni a, chu chu a kalphung ani an ti a. State P.W.D kutah pek a lo ni ta a. Tunah chuan, maintenance a awm tawh lova, kawng hnimin a khuhbo zova, Alkatra, nisa in a hem a hem a, a khi rum tawh mai a, motor han kal hlekin a chilkhawk dur dur tawh mai a. Maintenance a awm tawh lo reng reng, kawng kan neih sa kha, kawng lovah a chhuak zel.

Chuvangin, State PWD hian Diltlang-Chawngte road te khi diversion an siam a, mahse, diversion chu laih tlang awm silo, thal laian chuan eng-emawti in kan tlan hram hrama, Furah chuan Lungleiah, Lunglei atangin Chawngte lamah, fanghmir thlengtlang helin cnutianga kalte chu a ngai a. Khingte, Tuichawng dung lampang, ka bialah hian han zin dawn ila motor a kal theih awmlo, tunlai khawvela ke hlira bial fan chu, a tlin pawh kan tlin bik tawh lova, ke a, bial fang tawh lova, motor a kal ve thei tur a, PWD Jeepable road tal siamna tur hi Mizoram Budget ah hian a lan hlan hi kan ngkhakhlal ve em em ani. R.D. Department in an han la ve hi chu, a dik tak chuanin, kan Minister pawh hi va kal se, a hrih hai hle vauh vauhin ka ring a. Kawnglai hmuh tur hi a awm ngailo reng reng hnathawklova pawisa la an tam em em mai a. A thlawna pawisa lakna Department hi ani ber mai ani. R.D. Department hi chu, hnathar thawk tur hi chuan an rintlak ta lo ani. Chuvangin, kan Minister i/c R.D hian ka bial chhunga an hnathawhnate hi a hmunah nan en ve sela a hnar a hmu ve vauh vauh mai ang tih hi ka ring tlat.

Contractor an tamte hi a pawl ani. Hetan Sorkarah paper ah chuan mipui thawh angin kan lamtir a, muster Roll ah chuan mi tamtak hming an lang a, Sorkar, Central Sorkar duh dana thawk angin a lang a, a tak takah chuan mimal pek zel ani si a. Central Sorkar an buma, mahni pawh an in bum bawk tihna ani.

S P E A K E R : Pakhat chuan han sawi leh teh u.

PU TAWNLUIA MINISTER : Pu Speaker, tuntum kan Budget Session hi kan tui tlangin Member tam tak ten kan participation leh kan ngaihven dan pawh, nidang zawng aiin hma kan sawn niin ka hria a, lawmawm ka ti a.

Pu Speaker, ka han sawi ve duh zawk chu, hei Budget Session kan nei a, tah hian kan Budget kalphung leh dinhmun te kan sawiin kan enghel tlangin, kan ngaihtuahna tam tak Member zawng zawng ten kan seng niin ka hria a. Hetiang taka kan ngaihvenna atang hian thil tha pawh kan sawichhuak ngei ang tih ka ring a.

Tin, thil pakhat ka han sawi leh duh chu, nimirah khan Supplementary Demand te helaian pharh ani a. Thil kan ngaihtuah dan kha a let-ling deuh em ni aw ? ti a ngaihtuahnate ka nei a. Tuna kan han ngaihthlak maiah pawh khan, Supplementary Demand kha engemaw zawnga Sorkarin a duh ang zawng zawng leh Department ten a duh ang zawng zawng a kawih her theih angah khan sawi lek lek na a awm a. Ani awzawngin ka hre lova. Hei Annual Budget kan pharh a, Annual Plan kan nei a. Tin, non-plan atanga keimahni in enkawlina eng eng emaw kan puhrukna turte ruahmanna a awm bawka. Financial Year chhunga kan pawisa han hman tur neihsa bakah leh, kan neihsa pawh siksawi ngai laite siksawi hret hret a, chutianga han siamremna chu ani a. A hmingah pawh supplementary ani a. A belhchhahna zawk lam kha ani a. Kha kha sawisel hrim hrim diklo tih hrim hrim zawng anga sawilanna awm lek lek kha a tha lo hle in ka hria a.

Tin, Budget kal tawh tam takte kan hmu a, kan Member tamtakte phei chu he House a experience nei tha tak takte anni hlawm a. Kumina kan Supplementary Demand kha a figure chu Mizoram Budget pharh tawh zawng zawngah chuan alo sang ber tih ani a. Chu chu a lawmawm tak zetin ka hria ani. Supplementary Question kan tih pawh hi zawhna pakhat a awm a. A dang kan zawhbelh chhanna zawk kha ani a. Chuvangin, sum leh pai anih avanga a phaina mai kha a ammlova, a belhchhahna zawk anih hrim hrimna kha a lawmawm a. Chutianga a kumtina a belhchhahna lo awmah chuan kumina mi kha a tam ber e tih ani len nghal a. Chuvangin, a lawmawm zawng khan ngaihtuanna hmang ta ilang chuan kan ngaihtuah suallo awm mang e aw tih kha ka rilru a awm ani.

Tin, Pu Speaker, deficit tih te, debt, kan leiba te hi sawipawlh hi a awl khawp mai a. Vawiin niah hian sawipawlh lo hram hram ila. Keimahnih thu-sawite lo ngaichang ran mi tam tak an awm a. Helai House-ah chauh hian Session e awmlo niin a lang. Helam pang ngaihtuah chuan vawiin chu kan Session teh ang tiin an in sawm-khawm a. Khawimawlai vengah chuan an lo thlir ve tak meuh ani a. Chuvangin, kan mipuite hruaisual zawng leh ngaihdan diklo zawnga kaiher thei tur hi chuan helaiyah thusawi loh hram pawh kan mawh tlang niin ka hria. Kan Budget sawi lai mekte pawh Deficit kha engnge anih a, Debt, leiba kan tih hi engnge ni tih hi, a liability hrang hrangte pawh kha kan hriatchian chuan sawipawlh loh theih ani a. Pawlh chuan a tibawrhbang vek thei ani. Chuvangin, kan Budget sawi kallai mekah hian kan zavaiin kan chiantlan kha mipuite pawh an lo chianna tur niin ka ring.

Tin, tun Budget ah hian kan hriat tawh angin Central atanga kan Annual Plan Size tur tak ala hriat loh avangin, thla 1 atan chauh Vote on Account in kan han ti a. Thla 4/5 atan tih thin ani e tih ani bawh thin na in beiseina leh thil awmdan thlirin kan Finance Minister in hetiang zawnga tih hi tun tumah chuan a tha tawh ang e, hei hi thiltih theih tho ani e a ti a, ngaihtuahna hmangin Vote on Account kha lo kal a ni, thil danglam teh chiam pawh ani lova. Helai rorelna thukhawmte leh helai kaihruaitu ina tha a tih anga kha thil kalphung tho ani, a tih akha tawite in kan tarlang duh bawh ani. Pu Speaker, engpawh niselangin, nakina hun min pek leh theih dawn chuan ka chhonzawm tawh lo mai anga, ka pek belhchhah ang che i tih kha a danga kan ti dawn emaw ka ti a.

S P E A K E R : House ngaihdan i la tawh ang, tunah hian kan ban a hun a, kan zawhtir law law dawn nge, nichinah khan in remti ang-ah ka ngai a, Mahni Department bik chu nakinah in la khai-khawm dawn a, anih leh Dar 2 : 00 PM ah kan lut leh ang a.

Meeting adjourned 1 : 15 PM.

...366/-

2:00P.M.

- S P E A K E R : Kan business kan chhonzawm leh nghal a nga, tunge sawi ang ?
- PU K.VANLALAUVA
MINISTER : Pu Speaker, kan discussion kan tan chhoh zelnaah hian sawi tur a tam hle in ka hria a, hun rei tak lehlam atang khan he-tiang pawisa hi kan lo sawi tawh thin a, a nuam duh viau va, phung hi a lo awm deuh viau in ka hria a, thil tha sawi lova, a tha lo lai han sawi hrim hrima. kha a enkawltu lem tan zirna hun pawimawh tak leh zawm tur pawimawh tak pawh a ni nghal a. Lehlam a mite tha hnem ngaitaka an han sawi khan thil tha a thlen ang tih rinna lian tak pawh ka nei a. A hmasa ber ah chuan Health Department lamah kan lut phawt ang a, a demand wise-in. Health Department hian Zoram puma hna an thawnaah Dam-dawite pawh a lo changtlung ta viau a, a hlimawm hle a. Ka ngaihmawh em em thin 1987 atanga ka sawi thin ka lo ngaimawh zel tho chu thihna danglam tak avanga thihnate a lo awm thin a, chumi chu post mortem a ngai a. Post-motem lo nghaktute lo nghahna hmun khi hmun nuamlo tak a ni e, ka ti thin a. Khi khi vawk vulhtute vawk vulhna kar a lo ni a, remlo takin step leh mi bathlarah an thu a, khua a that chuan a pawl vaklo va, mahse, khua a lo tha reng lova, furah chuan ruahsur karah postmortem kan nghak a. In tinsan leh in tlansan kan hreh thin si a, khimi khi kan Department hian a tih that zingah han tel thei sela chuan a tha mang e aw tih te an demand atang hian ka ngaihtuahnaah a rawn lang zawr zawr a.

- PU ZAKHU HLYCHHO : Pu Speaker, hemi budget discussion ah hian Minister te hian tel ve in midang Department an va sawi vak vak kha a tha em ni ? Hei hi budget discussion a ni a, an neive tho em ni ? tih kha. Midang Department lo sawi sak kha budget discussion a ni a, a rem dawn em ni ?

- PU K.VANLALAUVA
MINISTER : Pu Speaker, General Discussion a ni a, a general-na lai tak kha han hmang thiam dawn ta ila, a tha awm e. Sorkar hmasa kha an fakawm vek lo a nih pawhin ka bialah chuan an awm viauva Khaw thumah PHC building min sak sak a, kan lawm khawp mai, Health Department chungah hian in Khawbung bial mipuite an lawm hle a ni tih kan tarlang duh a, hotute, Department te chungah pawh. Tlema an lawm na famkimna tur chuanin Choka erawh chu an sa lova. Choka tello chuanin damdawiin run a harsa a. Chuvangin damdawi in hi chu sak a tul hle tih min ngaihtuah tir a. Chu chu mipuiten an phut leh beisei a ni a. Chubakah

Pu Speaker, he House ah hianin PHE Department hi ka bial-
ten min chah angin lawmthu hrilhna tur kan nei a. Hun
rei tawh tak atingin, U.T. lai atang tawha thi hmu ngai
lo, Khuangthing khua, in 197 chuan tun Sorkar thar atang-
in Lurh tlang pang atanga tui lain tunah chuanin tui an
khawlaiah an herh haw ta hum hum mai a. Chu chu House
a lawmthu sawi loh hi an hlau em em a, chu chu tam tak
sawi tur karah lawmthu mipuite hmangin ka hlan duh a.

Tin, chutiang bawkin, Maihawp lui,
Sazep ami Vanzau leh Bungzung tui chawmna turin PHE De-
partment in tun kum kallai mekah hianin a lo la thleng
der mai a. Tunhmaa kan sawi dan thin pheii chuanin Vanzau
ah leh Bungzungah thala in kal chuan tuman hmai phih loh
tur ka ti thin a ni. Chuti khawpa thi harsa chu a ni a.
Tunah chuanin kan thawktu zahawm tak tak te avangin an.
khaw chhungah tui an herh haw ta a ni. Chu chu kan lawmth
thu he House ah hianin tarlan kan duh a, kan hlan a ni.
A tawp berah chuan he Department ah chuanin Khawbung bial-
a khua, In tam ber Farkawn khua erawh khi chuanin an tui
lak khi an lo khawpkham ta lova. Tunah te khianin tlaivar-
in tui kang te an nghak a, point ah tin a ri rum rum reng
mai. Khi erawh khi chu PHE Department in min manghilih
lo selangin kan duhthu kan han tarlang a ni. PWD ho hi
nichina Phuldungsei bialtu member zahawm takin a rawn sawi
ang khanin, an hna hi a tha vak dawn lo emaw kan tih thin
lailah khanin a lo tha viau tih kan han hmu ta a. Mahse
Aizawl veng hrang hrangah hian han kalkual ta
ila, tunhmaa Sorkar hmasa lam ina an thiam loh ni awm tak
kha tunah chuan Rulngan ang main a dum ta zer zur mai a.
Hei hian he Department te fakawm zia leh hna pawh an
lo thiam zia a lantir ta a, khawpui bikah hian. Tih tur
erawh chu a tawp lovang a chat lovang, kalpui zel erawh
chu a ngai a. Khawchhak bialah erawh khi chuan hmabak
pakhat an nei niin ka hria a. No-1 ah chuan Zawlseii atang-
a Khuangthing KM 11 a ni a, RD Department atangin tunah
hian Truck kal theihin Rs. 6 lakhs lekin an lai tlang tawh
a, tunah hian Bus pawh nikhat danah a Service reng a. Khi-
mi erawh khi chu mipuite beisei leh phut angin PWD hian
an lak hunah pheii chuan an fakawm leh zual dawn mang e
aw tih mipuiin an sawi a ni. An budget erawh hi chu an
duh ang chuan a tam vak lovang. Khilai kawng 11KM lek lak-
na atan chuan pawisa an siam thiam ka ring deuh a. Pakhat
leh ah chuan Khawbung atanga Tuipui inkarah khian, Khaw-
bung atanga KM hnih leh a chanve ah khian KM chanve laia
zau Pioner kawng thin PWD in an lak takah khian kawng
thlang a min thla vek mai a. Kan kal thei ta lova. Mah-
se, Pioner ho kha kan ngen a, min nawr tlang sak a,
mahse, tun ruahsur hnuhnung berah khan a lo min chhe leh
vek a. Khimi erawh khi chu a diversion road siam a ngai
a. Chutilo chuan Pu Speaker, i bial nen khian inkalpawh
theihna kan nei lo reng reng a ni. Chuvangin hei hi chu
Department hotute hian kan hmalak lai mek kha kaltir zel
a tha mang e aw ka ti a ni. Pu Speaker, he kan budget bu
pumpui hi keini pawh hian 100% chuan kan fak bik hauh lo
a nia. Hei hi budget zawng zawng a tha ber a ni kan ti
hauh lo. Engatinge a chhan kan tih chuan kan rochun Sorkar

atanga kan leibat tlingkhawmin kan duh angin thil min tih tir thei lo a ni tih kan member zahawm tak ten an sawi tawh kha. Hemi hi a nih avang hian tuna Department tin ina an neih thliah thliah pawh hi engtinge hetiang hian an rawh tih theih zawk ew? Tih tur a ni zawk hial a ni, chutikhawp chuan harsatna tam tak karah hetiang bu kum 2000 hawh rawk bu a rawn chhuak ta mek hi sawi ho ahakawm tak a ni. Mahse sawisel tum hrim hrim erawh chuan a ewl khawp mai. Pastor pekhat pawh inkhawm a taima, tawngtai inkhawmin zing a kalziah mai, mahse, a Chairman naah Biakinah a muthlu ziah mai a, kha kha mi-hringah hian a famkim theih lova, rawngbawkna zawng zawng ti famkim mahse pakhat a a tlak chhiat chuanin khalai kha sawi tur a ni zel a ni. Kha kha helamah term hnih dawn lai ka lo thu ve tewh a, ka lo sawi chiam chiam thin a, hlawk pawh a hlawk a, ingir nan pawh a tha ang reng phian a ni.

Chuvangin kan hotute pawh khan-in han ti deuh tauh tauh zel ulangin a tha ka ti a, mah se, hlauh ka neih thin erawh chu a ni lo a luakchhuak a, Pu Speaker, thil han tih hisnin vawikhat kan chesual tawh a, mi pakhat kan va charge nasa lutuk a, an Department kan mamawh leh si a, tlemin kan hnar a len deuh chang a awm duh khawp mai, chu erawh chu he budget bu kan chhiar rual rual hian ka hre chhuak fo thin. Chulo-ah helalah hian bial nei zawng zawng ten kan mamawh hi engnge ni kan tih chian kan bial mi hmeithai chhum-chhe ber atanga tlem a a ziaawm te enkawl kha a ni, chuvangin he kan budget bu hi za a za lawmawm lo mahsela, a tha tawh hle a ni tih Pu Speaker vawiin-ah hian ka tarlang duh a.

Vety Department-ah hian pawl deuh mai a awm tlat mai a, khalam kha kan tanpui leh-lawk ang a, Khawbungah kan Dispensary a tlu tawp mai a, kha kha a tlu reng dawn nge kha chu anmahni thu-ah dah ta ila, chutiang chuan kan Department hian min enkawl kan ngai a, a sak hi 1994 mai a sak kha a ni a, a satu lam chu ka sawithleng lo mai ang a, '94 a sak kha a ni a, a tlu hman tlat mai erawh hi chu a pawl ka ti a, tha deuh mai a han sak he sorkar, mipui rin lai mek hianin RCC in emaw han sa khap mai sela chuan-in tlu mai dawn tawh lo niin a lang a ni. Chuvangin Pu Speaker, he kab budget a Department hrang hrang hna-thawh tur rawn lang zingah hian lawmawm tak ka hriat chu, a tawp ber atan chuan Horticulture Department hi a ni. Horticulture Department hian hmun tam takah Link Road an siam a, Potential Area-ah Km. khat leka kal pawh Km.2 te pawh an han lai thei hram hram hi ka biala mi pakhat phei chu Suangpuilawnah an transfer hlauh mai a, Directorin min hrih chu, e, a tha lutuk, a tha lutuk, kei tluk hian Suangpuilawn bialin min mamawh alawm ka ti mai a, khatiang khanin, thil hi

chu, Bialtu nei theuh kan ni a, kan bialte khan mipui kan hmangaih a ni e, a laia han tih te kha a tha ka ti a. Tunahte pheih khi chuangin, Samthang khuaa kal tawh chuan inhriain ka ring a. An khaw piah ram per zawng zawng. Tin engzat tak hmun ni eng maw, khi khi Sapthei chin nan, a tlepa tlep thut khawpin an vat a ni. Tin sawm tam tak hmun a nih ka ring . Tin, Bungzungah te, Bial tam takah, Leithumah te, Farkawn thleng pawhin, Vaphai thleng pawhin Sapthei hmun tur nasa takin an vat a. An inzirtir den chu hmanah khanin ka sawi tawh a. In khaw kawng kha Motor lian luh theihna nilo mahsela, in khuaah hian Sapthei rah a tam e nih phawt chuanin phurh lohvin a awm lovang tih hi kan inchah dan a ni a.

Kan Ramina a thil thar reng reng hi a tlangpui thuin ala tam tawk lo viau vek a. Alu te pawh a tam viau e kan ti a, mipui Demand atangin Silchar atanga lei luh hi in khap teh ang an ti a. Kan Trade & Commerce Department-in an han khap thla ngawt a mai a, chawlkar hnih pawh an khap thei lo, Trade & Commerce Department khan, "Kan lo va la thar tam lo ve le" tiin damdawiinah chuanin phailama mi pawh lak theih ni leh tawh rih rawh se kan han ti ani. Kan thil thar hi a tam loh avangin, a tam a hlei hlei kan thar theihna turin Sapthei a ni emaw, thil dang ani emaw, kha kha kan bial chhungah chuanin hna nasa takin kan thawk a ni tih ka taelang duh a. Chu chu Horticulture ina min buatsaih sak mek hi a ni a.

Zopui tlang kan ti a, khilai Zopui tlangah khianin P.C Ministry lai khan ti teh ang, kha laiah khanin Alu chin uar kum khanin nasa takin Leisenzo te, Lianpui te, Vangchhia te, Sazep ten an ching a, pakhat Kg khat aia tam tam te an thar ani tih kan hriat theuh kha. Tunah hianin he Mizoram hianin Horticulture Department hianin Mizorama eng bial bial emawin Alu chi an chin theihna tur atan a, a chi chhuahna tana hmun tha, a boruak a sang tha a, a boruak a tha a, heti lai hmunah hianin Horticulture Department hianin Mizoram khawi biel biel tan emaw Alu chi tur in chin tir sela a pawl lo hle an ka ring a.

Tuna phai lama kan chah chhuah tam tak ai hianin khi lai hmun ami khi a hrisel tha in hriat ani tlat ani. Chuvangin kan economic dinhmun leh kut hnathawktute chawikan kan tumnaah hianin a location kan tihfuh a pawimawh ani tih Du Speaker han tarlan ka duh a, a hmun kan tih fuh loh avang a tunhma zawng pawhin kan lo beidawng tawh a, kan lo tamchhuahna pawh a awm ang. Tunah chuanin mithiam rual kan ngah ta em em mai a, MSc. Agri. tih te, BSc. Agri. tih te, chutiang bak bak chu midang pawhin an nei chuanglo thiamna lamah chuan in. Tih tek tak a kan tih a kan zir a ahmun a lei that dan te, a hlut dan te kan en

chian phawt chuanin ramdang atanga Alu chi la lo hian in, khi bial chang ani lovang, Bial tam tak cheng tam tak kan sen hi Pu Speaker, thil dangah kan run theih phah ang tih ka ring a, chu chu he demand-ah hianin kan terlang duh a.

A tawp berah chuanin R.D. Department hi ani a, anni hian sawisel an hlawh hle mai a, mahse an kutah hian sum engemaw zat a awm a, thahnem ngai takin a thawk tu ten hna an thawk ve ani a, hetah a Department Minister hianin Direction a pe vek seng lova, a duh dan pawh a hriih vek seng lova, a thah tih dan pawh a hriih vek seng bik lova, policy awm: sa leh B.D.C in a pass te angin an kalpui zel ani a, hetah hian han sawisel deuh thin tak mah ila, a piahah khan hna tha an thawh a awm ve zel ani. Tunah pawh kan sawi zel duh chuanin ka bial Tiau kamah pawh Km.10 Agriculture Link Road an lai a, nikum khanin mahse, an BADP Fund atanga pek tur khanin pawisa an pe thei lova tunah hianin Rs. 26 Lakhs vel an ba a. A thawktu ten an rawn ti lauh lauh thin a, mahse an la pe mai ang che u tiin, hei hi ken chhanna a ni a. Hengte ang hi thil tha tak an thawh lain, an tihden reng teng dik hek lo Bill pawh min pe thei lo kan tih dawh chuan a ni. Amaherawhchu an bat hlen tir tur a ni lo, pa in discussion an siam tawh a, pawisa an sanction tawh a, a thlawn in hna an thawh tir lovang tih hi ring ngam ila. Kha kha a awmzia niin ka hria a ni. Chuan tunah Khuanglengah pawh BADP Fund in I.B PWD in an sa zo der tawh. Mahselangin tu zawkin nge function dawn, tu zawkin nge nei dawn tih an la inhre theilo reng. Khingte pawh khi a neitu tur dik tak kan tih chian thuai chuan Pu Speaker R.D hi kan fak a changah kan fak leh chhawng ang tih hi ka ring. Chuvangin he kan budget bu, kan demand bu zawng zawng hi kumin a tan chuanin inngahna tling niin ka hria. Ka lawm e Pu Speaker.

PU VANLALHLANA : Pu Speaker, ka lawm e, ka hma a Minister zahawm tak thawsawi kan ngaihthlak atang khan a thlamuan thlak hlein ka hria a. Kha, Minister . kha a duh khawp lo zia te leh thahnem a ngaihzia te tin, he sorkarin a budget a present a te pawh a that famkimloh zia te a rawn : sawi lang a. Heti lom i veilama thute hi kan la pung dawn nite pawhin a lang a. Lawmawm hlein ka hria a, Pu Speaker hei wawin hi Opposition Minister anga thu ka sawi hmesak ber a ni a. I hnuaiah Dy.Speaker in thlamuang takin engemaw chen ka awm a. Wawin

niah hian Opposition Member angin ka han participate ve dawn a ni a. Hun tha tak thusawina min pek avangin ka lawm hle mai.

He budget General Discussion hunah hian thil thenkhat te general taka han tarlan ve ka duh a, a hmasa berah chuan he budget presenttu sorkar hi han sawi hmasak ka duh a. Engeni hetiang budget an present hi an nihna phung atang hian han chhut hmasak a tha in ka hria e.

Pu Speaker, helaiiah hian dan siam tur hi kan lo kal khawm a. Tin, nangma ho ngeiin Business Advisory Committee te kan thu a. Chungah chuan sorkar atanga bill te lo lut a, dan siam turin programme te pawh iduang a ni. Ama'rawhchu Government Business bill te put luha ngaihtuahna ni te kan dah a, sorkar lam atangin Bill pakhatmah a lo lut talo a, a zahthlak em em in ka hria. Legislator kan ni a, he Assembly House-ah hian dan siam tura lo kal khawm kan ni a, dan siam tur ni i buatsaih a, dan siamtur pakhat mah putluha a awm lo hi sorkar hi a mualpho hle in ka hria a. Chutiang ho chuanin tunah hian Budget an present a ni a. Tin, Pu Speaker, 1998-ah khan General Election-ah chuan party pahnih M.N.F leh M.P.C party te an thawk ho a, an tangruah a ni. Chutah chuan kan thawh hona avangin M.N.F MLA eng emaw zat an tling a, thawhona avangin M.P.C MLA eng emaw zat kan tling bawk a. Free zone bialah pawh kan thawhona boruak a that hrim hrim avangin M.N.F atangin leh M.P.C atangin MLA eng emaw zat kan tling a ni. Inthlan hnuah tangruah sorkar kan din a, Mizoram tlu chhe mek tungding tur leh kawng hrang hranga hmasawna pe turin party 2 kan tangruah a, chu chuan sorkarna a siam ta a. Chu sorkar chu ram tana hnathawng tur a ni a, mipui pawhin beiseina sang tak an nei a, an ring tawk hle a ni tih Election Result atang pawh khan a hriat a ni. Ama'rawhchu hun a lo kal zel a, chu sorkara chu V.C inthlan hma lawkin a lo chhe ta a, 9th December 1999-ah khan kha V.C election kha a hun pangngaia inthlan a ni lo e. April thla a inthlan tur sawn hma a ni, thla nga (5) in inthlan dawn a nih vang nge ni, Village Council ding lai zawng zawng thiat a ni a. Tichuan remchang takin DRDA atangin pawisa EAS-ah tam tek sanction a ni a. Chu pawisa sanction a h chu BDO Office atangin VLW ten an la chhuak a, VLW te chu thingtlang khaw tinah kal chhuakin M.N.F Unit President an zawng chhuak a, pawisa Rs. 10000/- te Rs. 20,000/- te a aia tam ten a khaw len dan azirin an pe ta a ni. Pawisa dawngtu hian engvang-a dawng nge a nih a, kha khaw tan khan engzatnge sanction anih an hre miah lova, eng atanga hman tur nge tih MNF President hian a hre lo. V.C inthlan dawnah chuan MNF Party chuan Fund an ngah ta thut a, ruai an theh a, Candidate in pawisa an insem a, khaw thenkhatah phei chuan Sikret awm zawng zawng an lei zo vek a, chutianga pawisa leng vel karah kan inthlang

ta ra, MNF Party chu en chak hle ani. Ka thusawi lai min tihbui thin avangin ngaidam la, Dy. Speaker post a ruah avangin tan an la ve a ni e.

Chuvangin Du Speaker, chutiang sorkar chuan Budget an present a, kan hmu ta ani. He Budget present ah hian ngun taka en hian thil langsar tam tak a awm a, tarlan anih loh avanga langsar tam tak hi a awm bawk ani. A langsar berah chuan cheng vaibelchhe 245 leh point 37 deficit a lo lang a, hei hi a nasa a, a rapthlek bawk a. Mizo mipui te hian eng- angin nge sorkarin sum a hman tih hi chik takin an ngaih- tuah a, an en a, an zir mek ani. Hetiang khawp deficit Budget kan nei chung hian he kan C.M Budget Speech-ah hian Economic Measure pakhatmah a awm lo ani. Sum ren- chem chungchang hmalak tumna pakhatmah a lang lo hi a paw ka ti a. Sum kan in daih lova, Central-ah te kan dil loh thin dawn ani. Sum renchem hi tum lo pawh ni ila, kan dil tura te hmuh atan leh hriat atan tal hi an Economic Measure te hi chu kan lak ve a tha. Mizo- ram mipui hian sum renchem ani tih hi hria se, Mizoram sorkar hnathawk zawng zawng, sum khawih tute pawh hian sorkar hian sum hi a harsa a, a renchem ani tih hi hria se ka duh a. Economic Measure chungchang a hmalak na pakhatmah a awm lo hi a paw ka ti em em ani.

Tin, tunah hian Rambuai Compen- sation la hmu lo hi chhungkua 8631 an awm a, Mizoram pumpuih rambuai avangin nasa takin kan tuar a, kan in leh lo te, kan nunna te, kan bungrua te kan chan a, ti- chuan Compensation hmu tur hi kan awm nual ani. Sing chuang chhungkua kan awm lain chhungkua 8631 chauh . . hian tunah hian Rambuai Compensation kan dawng a, chhung- kua 8631 chauh in enla lo e ni. Chhungkaw list pawh ennawn leh a ngai a ni. Rambuai Compensation la dawng bawk silo he chhungkaw 8631 tel bawk silo hi tam tak an awm a ni. Chuvangin a list hi siamthat leh a tulin ka hria. Tin, ram luhman te pawh hi pek loh a awm a, Bawngkawnah te pawh ramluh man la dawng lo te hi tam tak a awm ani. Heng thil fello te hi sorkar hian chingfel a ngai a ni. Tuna sorkarna changtu te phei hi chuan heng zawng zawng hi chingfel se a hmeh pawh an in hmeh ka . . ring. Mipuiin MNF sorkar an rinna chhan te pawh hi heng chingfel tura an beisei vang a ni. Kan sorkar hian hma a lak ka phut bawk a ni.

Tin, kan sorker ina ngaihpawi- mawh hmasak tura a neih chu Budget Speechah pawh a lang a ni. "Priorities of this Government are achieving self- sufficiency in food accelerating developmental activity to reduced the dependence on the centre creating oppor-

tunity for in-come generation providing lasting solution to the problems on the social front and promotion of Trade & Commerce" tih a ni a. Hei hi sorkarin priority a pek a ni. A tha khawp amaherawhchu a goal a hi thlen tur hian sorkarin Specific tak hian enge hma a lak a tum, ei leh bara a ngai pawimawh a tha e, mahse Mizoram mipuite intodelh tir tur hian eng angin nge hmalak a tum zawhna chhanna kan hmuhah chuan hengte ti hlawhtling tur hian privatisation, mechanisation te large scale production tih thlai chi tha sem te khang kha a ni. Large Scale Production tih chu a target tur niin a lang a ni. Ei leh bara intodelh tur hian eng ang Policy nge a neih hi min hrilh se la ka duh a ni.

Tin, Central University kan lo nei dawn ta a, Mizo mipuite kan lawm em em a ni. Tun hma a party thenkhat te, State University duh tlat a, Election Manifesto-ah hial pawh State University ah duh thu tarlang tu te pawhin, vawiinni a Central University kan han neih takah chuan a lawm thiam thiam a te pawh an ni, a lawmawm tho tho ve. Amaherawhchu he Central University kan neih tur hi fimkhur ngain ka hria a, Pu Speaker, chumi hma chuan he Central University kan neihna turah hian a bikin Dr. H.Lallungmuana, kan M.P hmasa ten nasa takin tan a la tih kan hria a, a chungah lawmthu sawi pawh kan ba in ka hria. Chumi hnuah kan M.P in, tuna kan M.P zahawmtak Pu Vanlalzawma chuan chak taka hma la in harsa takin hetiang hian a rawn nawr tlang ta a, a chungah Mizo mipuite kan lawm em em ani. He Central University kan neih tur hi fimkhur taka kan bihchian a kan lo zir ngain ka hria a. University chhe tak neih ai chuan University neih lo law law hi tha in ka hria. He Central University lo ding tur hi kan hnam lungphum tur ani a, kan hnam hmelhmang siamna tur leh kan nihna dik tak lanna tur leh a siamthatna awm chhun pawh ani dawn ani. Chuvangin, a bul tanna atangin kan fimkhur a ngai a, Central University tih mah nise, Mizoramah dah ani a, a neitu leh a chhawrtu tur dik tak pawh Mizo mipuite kan ni. Chuvangin, ngain takin Sorkar pawhin a ngaihtuah a tha. State dangah University a ding a, Building pakhat pawh sak hmam corruption a awm a, khatiangah khan University tha a chhuak lo reng reng ani, chuvangin University tha tak kan neih theihna turin Mizoram sorkar hian mithiam rual te, YMA atang te, kan Intellectual Circle atang te, kan College Teacher's Association atang te experience nei tawh mi tha tak tak kan neih tawh ang te'n Committee te siam se, Sorkarin hma alak dan tur Central Sorkarin University dah tur a hma a lak dan zawng zawng te pawh hi chik taka lo en in advice te pawh pe thin se, tha in ka hria, chuvangin kan hnam hnuak tur anih avangin hemi ah hian Sorkar hian tan la in fimkhur takin Central Sorkarah pawh thlen thin se ka duh tak meuh ani.

Tin, a dawt lehah chuan kan Governor khan a Address-ah pawh "My Government is transparent" a ti a. Langtlang thei sorkar, eirukna a awm leh awm loh pawh Mizoram mipui zawng zawng ten kan hmu tlang tur ani ang chu tih an ziak a nih chu. Amaherawh-chu tuna Sorkar ding Governor ngei pawhin, "Ka Sorkar hi Transparent sorkar a ni" a tih hi a transparent em? Tunah kan hre vek a. Mizoram Sorkar chuan Memorandum of Understanding an lo sign ta a. 1999 April thlaah. Chu chu Mizoram mipuite hian kan hre miah lo a. Tunah pawh kan sign lo tih tanin an la tang niin kan hria a. Chung ang chu sorkar nihphung a nih avangin a transparent em? Mizoram mipuite tana sum leh paia harsatna (Burden) te pawh hi phur tlang ila, Nagaland-ah chuan kha Memorandum of Understanding kha an sign ve tho va. An C.M. chuan Assembly-ah chuan Memorandum of Understanding Central Sorkar nen kan sign a, a chhan chu Nagaland hi sum leh paiah kan harsa em em a. Chuvangin chung MOU ah chuan Harsh Measure sum leh paia kan harsatna atanga fihlim theih deuhna turin Fiscal Reform eng eng emaw a awm a, chung tihlawhtling tur chuan i tangruah ang u, tiin House-ah Memberte a sawm a ni. Vawinah chuan kan sorkar chuan MOU an sign thu hi an la sawi lo reng reng a ni. Transparent sorkar kha kha a ni thei dawn em ni, .Pu Speaker? Chuvangin kan Governor zahawm takin- a Transparent Government atih angte hi chu Sorkar hian nih tum ve hram hram tih se tih kha ka ngen duh bawk a ni.

Tin, leibat chungchang kan sawi nasa hle a, tunah hian ka hmalama an sawi tawh angin Mizoram Sorkarina lei a bat zawng zawng chu March 10, thlang khan nuaih hlir singriat leh sanghnih leh zali leh sawmruk pakua leh point 71 a ni. Hei hi Mizoram Sorkar lei bat a ni. Sorkar a fimkhur a ngai hlein ka hria a. Amaherawhchu MNF Sorkar Party pawh hi ka duhsakna leh ka ngenna pawh ni sengin, he sorkar House Leader ngei hi term hmasa lamah te Opposition Leader a lo ni tawh a. Chuta a sawi lar em em chu khatih hun laia, sorkar a fuihna leh a ngenna pawh Mizoram sorkar tan hian Central hi a in phal tur ani a. Kan mamawh ang zawng zawng hi min pe tur a ni. Chung chu an in commit vek tawh ani a. Chuvangin Memorandum of Settlement-ah hetiang zawng zawng hi kan ziak vek a, kan sum leh pai, harsatna zawng zawngte pawh hi sukiang turin an in tiam tawh a. Keini chu ni ila kan dil dawn lo reng reng. A thinin a nia kan thin dawn ni. Ba bu kan nei a lawm kan ba bu nen kan in ak thla dawn ani. Tih kha an sawi thin ani. Tunah hian chutianga babu. nei sorkar chu kan lo nei ta ani tih, vawinah hian ka'n hriat nawntir leh duh a chu, Memorandum of Settlement Section rukna (b)-ah chuan hetiang hian a in ziak a, 'Central Assistance for Plan will be fixed

taking note of ang residuary gap in resources so as to sustain the approved plan out lay, and the pattern of assistance will be as in the case of special category State' tih ani. Hetiang ang babu nei hian Centralah hian khawngaih takin zuk kal sengin, sum hi hemi a tam kan han tih em em a pawh hi, a thing chhuak thei tu kan chuan, a tam te pawh a tam lo thei ang e. Chuvangin, tunah long term interest loan tih ang mai mai nilovin, a pek a min pek tur ang zawk ani. Hei hi in bat ani a tiin an thing chhuak thei ang tih pawh ka ring tlat a. A phut pawh ka phut a, chuvangin nekum Budget kan neih leh hunah chuan, Mizoram sorkar hianin Budget Session-ah Surplus Budget neiin, pawisa hman chuan, neiin Budget pawh an pharh ang tih hi ka beisei tlat a. Chutiang ang a nih loh chuan, he Memorandum of Settlement atanga helai Section an ziaK hi chu, he House atang ngei hian, remove turin Resolution pawh kan la pass ho in ka ring ani. Chuvangin, Pu Speaker tunah General takin kha'ng thil pawimawh tak tak kha kan han sawi chho ani a. Sorkar hi kan tel ve tho va, opposition-ah kan thu ani mai a. Constructive Opposition kan ni a, kan Leader ina a sawi angin, chuvangin advise kan pek te leh, hang House chhungah leh pawnah te, kan sawi ang hi, khawngaih takin min ngaih pawimawh a tha in ka hria a, chutianga in tih chuan keini opposition a thuin, nangni ruling lama thuin Mizoram hi ram nuamah kan siam thei ang tih pawh ka ring tlat a ni. Pu Speaker ka lawm e.

PU AICHHINGA
MINISTER

: Pu Speaker, hun min pek avangin ka lawm e. Vawliinniah Budget General Discussion kan nei a. Eng-

nge maw han sawi ve ka duh a, sawi thui tehchiam tur pawh a awm lo mai thei a. Kan sawi hmasak duha chu, kan C.M. leh kan Finance Minister ni bawk ina hetiang Budget ropui tak minrawn pharh sak thei hi lawmawm ka ti a. Kan sum harsat dan te kan zain kan hria a, kan sorkar tirh phat atangin leiba nasa tak nen kan kal chhova. Tichuan, nikum lamah pawh kan leibat nasat zia he House-ah ngei pawh hian vawi tam tak kan sawi tawh a. Chumi kareh hetiang Budget ropui tak, nikuma kan plan size tiat min pharh sak thei hi a lawmawm hle in ka hria a ni.

Tin, Budget kalphung hrim hrim hi beiseina leh riina a kelna a ni hrim hrim a. Koh-hran te phei chuan Budget an siam hian kum lo kal tura atana Buhfai thama lo kal tur he, Pathian Ram atanga lo lut tur te, Ramthar atanga lo lut turte, khami chhut khan a kum kal tur Budget hi an siam thin a ni a. Sorkarah pawh chutiang tho chu a ni a. Tun hun lo kal

tur atana sum lo lut thei tur a ni a, kan rin zawng zawng te atanga kan hman chhuah tura hi siam a ni a, chuvangin Estimates tia vuah pawh ani reng a ni.

PU H.LALTANPUIA ; Pu Speaker, kan Minister khan Budget-a kha engmah hriatlawk lohna Rinna leh Beiseina a siam ni tur ani , a ti a. Amaherawhchu, Pu Speaker, M.A te kan zir a, Economics te kan la a. Budget chu rigid tur ani a ti a ni. Chubakah.... Central Budget atangin an chhutchhuak thin a ni.

PU AICHHINGA : Pu Speaker, nia engpawh ni se, MINISTER tunah hian kan Budget hi estimate chauh ani tih hi kan hriat phawt a ngai zawk a. Planning Commission hian ala final loh avangin vawiin niah hian chumi khami-ah hian chumi khami chu ani dawn ani tih hi ala chieng lova. Chuvangin Estimate in kan kal chhova, chu chu kan tarlang ani a. Engpawh niseng vawiin niah hetiang ang zat kan C.M. in a, min rawn ruahman sak thei hi a ropui hrim hrimin ka hria a. Huat thu suhah kan opposition leader kha, a hlau thawng hle niin ka hria a. Chuvangin ani zawk kha ken Finance Minister ani ang tih a hlauhawm hle in ka hria a, tunang dinhmunah hian Budget nei lovin min thut tir reng ang tih pawh a hlauhawm hle in ka hria. Chuvangin kan C.M in hetiang anga ruahmanna fel tak a rawn siam chhuah hi vawiin niah sawiho theih tur kan han nei thei te hi a lawmawmin ka hria a.

Tin, chubakah chuan kan tarlan duh leh a chu, engnga tinge, C.M hmasa pawh khan Finance Minister lo ni tawh a kha hun laklawh a chawltir tak mai tih te ka ngaihtuah phah a. Hetih lai hun takah hian, a bang bo thin a, an chawlh tir mai ani awm mang e tih ngaituahna te a awm a ni. Chuvang chuan tunah hian kan Finance Minister ni bawh kan C.M. ni bawh-in, kawng a hria a min rawn kawhmuh a, chumi a sawiho tur kan han nei thei te a hi a ropui hrim hrim in ka hria a ni.

Tin, helai a Peace Bonus kan han tih thin a hi kan er hle mai a, kan er lutuk hian kan sawipelh lek lek te in ka hria a, min an hmuh ve te pawh kan thik leh lek a. Heng thil te hi he hun hma chuan vawite khat pawh la ri ngailo a ni a. Tuna North

Eastern State thenkhatte pawhin an lo hmu ve ta te pawh hi kan lawmpui tur ani a, kan zar an zo ani zawk tih hi kan hre ve tur ani a. A chhan chu rambuai an ni llova, hmun ralmuang an lo nih ve takah chuan Peace Bonus kha hmu ve tlakah Central Sorkar in an ngai ve ta a, i lawmpui zawk ang u thik lem lo hian. Chu chu kan kal dan tur zawk niin ka ring a.

Chuvang chuan vawiin niah :
kan hmalam a sum lo awm tur, hei Bible pawhin a sawi a rinna in kan kal ani. Loh theih loh, kan Budget a hi beiseiha in kan kal a chumi a chu tunah Planning Commission hian kumina kan hmantur a hi min la pe ngei dawn ani tih rinna in he Budget hi kan siam ani a, pek pawh min pe dawn ani.

Chumi a chu vawiin niah hian kan rawn tarlang a kan Chief Minister hian a rawn tarlang a. Vawiin niah hian a tek a hmukher awm lo mahsela, tichuan he mi Finance Commission in a a rawn final hun a tamzawk, tuna kan amount ai a tamzawk kan hmuh kan beisei ani tih hialin a rawn sawichho ani a. Hetiang ang a beiseina leh rinna nei thei khawp a kan Finance Minister ina alo kalpui hi ropui ka ti a.

Chuvang chuan kan Budget a hi mite ina hlauthawng a khur chung a siam ngaihna pawh hre love kan opposition leader te an thut lai a kan Chief Minister in hetiang Budget ropui tak min rawn pharhsak thei hi vawiin niah hian lawmthu sawi mai tur kan nizawk lo maw tih hi ka han thlir dan ani a. Tin, kan Budget atang a hnathawh tur chi hrang hrang ruahmanna lo kal chho te hi han thlir la, kan Member tam tak in thil tih tur awm reng reng lo ang zawng a an a rawn tarlan te ngun tak a zuk chhut hian, darkar 1 zet lek tawi pawh a chhiar tham hmalakna tur ruahman lo lang te hi a ropui ka ti a. Heti khawp a sum harsatna karah hmalakna tur Development atan a kawng chitin reng mai ruahmanna nen, budget min rawn siam sak hi vawiin niah hian keini ho hian ~~han~~ sawichhiat hrim hrim tumna atang chuan, sawi tur atam thei ang. Mahse hemi atang hian kan ram develope na tur sum engemaw zaꣳ buatsaih chhuahin a awm ani tih zuk hmuh hian ropui ka ti a. Sum harsatna namen lo kan remin a tuar a, kan hriat theuh angin, nikum lam atang tawhin sorkar a kan thut ho lai atang tawhin kan harsatna hi vawi tam kan sawi ho a. Chumi karah vawiinni thleng a hmasewna tur rahbi tukna Budget sawi tur nei a kan awm hi a ropui ka ti a. Chumi karah Central duhsakna kawng hrang hrangin helaiah te pawh rawn tarlan kha kan hmu a. Khatiang ang chi nakin a lo lang leh mai tur vawiinniah kan Budget-ah chuan a tarlanah chuan Deficit in leng mahsela, nakin lawk a kan la hmuh leh tur zel helai a tarlan kan hmuh chi hrang hrang te

atang te pawh hian kan Budget hi a ei a lian zawkin a lo la thang thei ani tiin hemi laiah hian a ziak a. 'It is expected that the size of the Annual Plan for the year 2000 - 2001 when finalised by the Planning Commission would be bigger than the one presented now; a ti ani. Chuvangin, tun aia Present aia lian hien nakinah chuan a lo kal ngei beiseina kan nei ania. Chutiang ang Budget ropui leh tha kan C.M in min rawn pharh sak thei hi he House hian lawmthu kan sawi zawk tur a ni a. A sawisel tur kan zawn chuan kawng tinrengah sawisel loh khawp hi a awm tak tak thei lova. Hetiang Budget puitling leh tha min rawn pharh sak thei hi lawmthu sawi tur kan ni zawkin ka hria. Chuvangin, he Budget sawi tur nei thei a kan awm hi lawmthu sawi a tulin ka hria

Col.LALCHUNGNUNGA

: Pu Speaker, ka hmaa sawitu khan kan Budget leh Kohhran Budget te a rawn khaikhin a, a khaikhin dik lo deuhin ka

hria a. Kohhran Budget ah chuan rinnaa kalna thui tak a awm a. Sorkar Budget hi chu thil awmsa atanga ngaih-tuahna a ni a. Khalai kha a lo hriat dik loh deuhna lai a awm a ni mai thei. Chulohah chuan, kan Point ah chiah a rawn lut ve a. Keini pawhin kha kha kan sawi ngawih ngawih a ni a. Annual Plan Detail te leh khumi Central atanga kan hmuh tur zawng zawng pawh chianguanga kan hmuh hunah he Budget hi siamthat nisela, kan duh a. Treasury Bench lamte pawhin an rawn rawt niin ka hria a. Hei kan sawi fo tawh ang khan nimirah vote on Account thla khat tan chauh kan pass a. Khami hnua lo awm leh tur chu thil hriatloh engmah chianguang lo kan hmuh tur pawh hre lovin thil kan ruahman a. Thil an kalpui dan tur hi chiang zawka a lanna turin work Schedule te pawh min pe silo. Khawngge vawinah hian work schedule te hi ? Engtingge kan sawi tak tak theih ang ? Audit and Accounts General Report te pawh kan va duh em; ? Chung awmlo in Budget dik leh dik loh engtingge kan hriat ang ?

Chubakah chuan appendix te pawh min pe lova kum danga min pek thin ang, hetiang anih si chuan engtingge kan kal ang. Chuvang chuan han sawi tak tak leh han thlir chianna tura hi a awm lo hrim hrim mai a, hengte hi kan dem hranpa love. Central atangin thil an hmuh turte a lo thlen loh vang a ni kan ti a, kha kha a dik ang, kan pawmpji thlap mai, chutiang anih si chuan kum danga kan tih ang thin bawk kha thla li vel atan emaw pass ilangin khami Vote on Account te kha thla li chungin thil engkim a lo thleng chho ang a, tahchuan detail zawkin thil kan sawi thei dawn lawm ni, tih hi kan duh dan a ni.

...379/-

Tunah hian a landan chiaha chu, kan han hmuh dana chu thla khat tan chauh khan kan han passed pui ta a, a hnu leh chu rau ri ri ai hian thil kan han tichho ang a, thil dik tam tak awm lovin, Delhi atang-a Non-Plan figure te leh Plan figure dik tak keini chuan sawi tur kan nei dawn si lova. In duh duh dan in an kal tawh mai dawn a ni. Chu chu Constitution kalh a ni a. A chhan chu Expenditure reng reng Sorkarin a hman tur hi keimahnin Legislators ten kan pass loh chuan a hman theih loh a ni. Chumi kalh chuan kan kal chho tlat a. Chuvangin, he Budget hi a dik lo kan tihna pawh, hei a ni. Hei hi i ngaihtuah Chiang leh ang u. Heng kan han en reng reng hian hemi kan Priority kan Chief Minister in a tarlan te pawh hi han en Chiang ila, thil Chiang em em mai chu ka hlauhthawn tak mai MOU ka rawn putluh chhan pawh kha a ni. Khawiahnge Employment hi a awm tak ? Hengah hian khawiahmah a lang lova. Tunah hian Employment Exchange ah hian mi 94141 an in Register a ni a. In Register lo pawh tam tak hna zawng an awm tih kan hriat lain kan Budget ah heng ho tana engmah a chuang lo hi engtin nge kan tih dawn ? Kan lehkha thiam ho hian engtin nge ei an zawn tak ang a, an hna tur hi tarlan a nilo hrim hrim a. Heng atang hian he Budget hi a tha ngang lo a ni. Chumi bakah vaibelchhe 245.37 an han ba lehngal a. Bat hi kan lo chinthan tawh avangin min khawih dan hi kan hmu phak lo em ni ka ti. Tunah hian min khawih dawn chiaha ta a ni.

Hetiang deposit a lo awm tak avang hian Central pawhin tih tur min rawn tuk ta a, min han tuk-takah chuan Sales Tax chu lak tur kan han ti ta a, Sakes Tax kan lak tur ah chuan a landan maiah chuan mi hausa te tan a ni kan ti a ni mai thei, mahse, Motor Parts leh Motor mante a lo to ta a, a lo to chuan engnge a nghawng engkim a lo to ta a, hemi kha recovered tur chuan mipui hnen atangin Bus Fare, Motor hire mante a lo to tawh a ni. Hetiang hian mi a effect chho zel dawn a, Central in min tiamkamna kan Budget diklo thin avanga, kan tuarna tur hi tunah hian a lo lang tan chiaha dawn a ni. Khang kha a lo lang tan tak tak hunah chuan mipuite hi engtin nge kan awm ang ? Heng Tax lakna tur chi hrang hrang min tuk hi a dik loh dan tunah hian a lo lang ta a, chumi loah pawh Employment ah pawh mi 90000 aia tamin register tawhte leh midangte pawh engtin nge kan ti dawn ? Tun kum ralta ah hna lak dan kan en chuan mi 150 vel kum khat chhung khan hna thar atana lak an ni. Khatiang khan mi 90000 chu han sem ta ila, kum 400 vel deuhthaw chu kan duh dawn, tunge kum 400 dam ang ? Chuvang chuan he kan Budget diklo dan hi a Chiang lutuk a. Chuvangin hei hi passed theih tur em ni ? kan tih hi a dik chiaha a ni. Thla li atan khan Vote on Account kha passed ilangin, nakin thil a lo kal Chiang hunah July velah chuan Session chu kan nei tho dawn a, chutah chuan Khang kha passed ila. Chumi rem tihloh a nih pawhin supplementary demand hi December velah chuan i sawi ang u, chu chu kan ngen leh duh a ni, chutiang tal a nih loh chuan engnge helaiha hian kan awm ve sawt ang ? Khangte kha kan

ngaihtuah lo em ni ? Kan ngaihtuah chuan he kan Budget diklohna hi khang khan a ti lang zo vek a ni. Mahse, ruling Party in kan duh duh in kan ti dawnin tih chuan in thu ni rawh se, chutiang te a nih dawn chuan kan kut pawh kan silfai mai ang. Mahse, khang kha a dik thei bik lova, mipuiten min thlang ve bawk a lawm mawle. Nangmah-nite nena hetiang a thil sawiho tur hian min thlang ve a ni a. He thil kan sawiho naah hian tha taka kan kalchho hi kan duh tak meuh a ni tih hi vawinah hian in hriat pawh kan duh tak zet a ni.

Tin Trade and Commerce te pawh kan han sawi ta a, helai hian kan sawi ber chu Burma nena kan in dawr dan ringawt hi kan ngaihtuah a. A nihna dik taka chuan Bangladesh nena kan indawr dan hi a pawimawh em em a ni. A chhan chu a pawimawh na chhan chu kan loneitute leh kut hnathawk tuten an thawh chhuah hi hralh zung zungna kan hmuh theih chuan Zoram economy hi a ti danglam ang a. Kan retheihna lutuk te pawh hi a ti danglam ang a, retheihna min sutkian sak thei dawn a ni. Chuvang chuan khangte kha engatinge kan ngaihtuah loh. Myanmar ringawt hi kan ngaihtuah a, engvang nge ni kan sawlam pang pawh saw ngaihtuah a, ram tan a tha zawk tur a ni dawn lawm ni, hei Sawthing leitute chu Bangladesh ami te an ni si. Engtinge Bangladesh ah kan hralh theih mai si, hengte hi kan en chuan Budget Speech a kan han tarlan te pawh hi khimi Myanmar border lampang development thu kha a ni a. Chuvang chuan Bangladesh lampang a border Trade develop dante pawh hi lang ve se kan duh em ? Chutiang anih chuan kan sawi tawh ang khan Mizoram hian khang thatna te kha kan chhawr phak ve ang a, helai keini India siam, India hmun hrang hranga thil siam thawn chho vel mai mai te leh khilai atanga Kuhva te leh drug tih vel lakluh mai mai a chuan helai Sawthing te leh thlai tharte engkim kan thawn thlak theih atangkai zawk dawn si a. Chuvangin heng thilah te pawh hian Bangladesh nena kan in sumdawn tawna te pawh hi lowlang ve se kan duh ngawih ngawih a ni.

Tin, chulo lelah chuan hemi kan deficit awm dan a hi kan hrechiang em em a, helai kan deficit awm dan a hi kan han sorkar dun khan kan rochun chu Rs. 70 crore vel kha ani a, kha kha a dik chiah lo pawh a ni mai thei, mahse dika kan pawm a ni a, mahse, December atanga March tawpah erawh kha chuan 1999 April thla a Rs. crore 145.44 in kan tan ta a ni. Hetiang zel hian han ngaihtuah ila, hun reilo te chhungin kan pung chho zel a, mahse hei hi check tumna leh engmah hi a awm lo a ni tih hriatna chu hei tunah chuan cheng vaibelchhe 247.37 kan lo deficit leh ta daih mai a. Heng hi ani kan ngaihtuah chian tul em em chu. Hetiang tur hi chu ani lo ani. Nimin Khan Nagaland Budget ka lo en a, an deficit kha a population ngaituahin a tlem zawk tlat mai a.

Cheng vaibelchhe 340 leh tih vel a ni a. Anni khi kan hrechiang theuh ang a. Underground ho hian an pawisa tam tak hi an lek thin avangin Central in pawisa an pek thin hi keini ai pawhin a tlem zawk thin a ni. Underground non an share chung pawhin keini ai hian an deficit te a tlem tlat mai te hi a mak ka ti a ni. Hei hi chu a ni tur a ni lo a ni. C.M Finance Minister ni baw kutah hian engkim kan dah a, a rawn sawi chhuak ta a ni a. Khang te kha engtingge kan tih ang tih kha kan ngaihtuah ho tur anih lain kan sawi ho chhoh reng rengah khan heng sut kian dan tur te hi a lang lo tlat mai hi a paw em em a. Peace Bonus kan tih fo 180 crore hi kan deficit cheng vaibelchhe 247.37 atang hian han pah ila, chumi chung pawh chuan 67.37 kan la deficit tho tho a ni. Khang kha ka ngaihtuah chang chuan heng Peace Bonus kan tih te pawh hi lo ni ta tehreng pawh ni ila kan leiba hi rul zo dawn chuang lo anih hi. Anihna takah chuan kan remna hi a chhuanawm bowk a, kan chhuang tur pawh ani a, hetiang remna nei si chuan Centrala kan zuk nawr dan kha a chak tawk lo ani tih ka rilruah a awm tlat ani. Anihna takah chuan hetiang ang Peace Bonus hi North East State dangah a awm lo, kan chhuang em em a, a dik e. Hetianga kan chhuang ta rau rau a kan zuk nawr anih chuan leiba zawng zawng hi Mizoram Budget-ah min pe rawh u tiin an nawr chhuak ngei ngei tur ani. Khami kan nawr chhuah theih loh tih hi han chhut chiang chiah ila, a zahthlak tlat a ni. Chumi rual chuan kan dawng ang lek lek kha chu midang pawh an dawng dawn ta si, hei hi kan itsik a ni lo. Kan sawi tum zawk a chu keini chu tih tak takah Peace te pawh hi nei kan ni a. Tih tak takin he thil hi kan duh avangin kan nei a ni. Chumi tak mai spirit a chu Central ah hian kan zuk lan chhuahpui thiam lova. Chuvang chuan kan thil min rawn pek tih mai mai te, chutiang ai chuan hetiang hi kan problem a ni a. Sorkar tirh khan chak takin zuk nawr ila hemi hi min tihpui theih loh chuan kei chu sorkar hi ka kalpui thei dawn lo han ti ta sela kan C.M khan, "Kei MNF President hian hetiang a nih chuan" han ti sela Central hotute chu an in ngaihtuah viau ang. MNF President hian ti selangin. Katiang ang khan kan zuk nawr lo tih hi a chiang khawp mai a, a paw tak-zet in ka hria a. Zuk nawr ni seng chuan hong ang hian lei kan ha lovang. Chutiang lo ni sela Zero Budgeting kan tan thei ang a, thatakin kan kal chho tur hi a ni a. Mahse tunah chuan chung chu a tih theih lohte pawh ani ang. Amaherawhchu tuna kan han sawi tawh ang hian heng kan Budget hman turte pawh hi chiangkuang zawka kan sawi theihna tur chuan Work Schedule te kan duh a nih hi mawle. Chutiang a nih loh chuan engtingge thil kan sawi theih tak tak ang ?

Budget kan sawi dawn hunah chuan Work Schedule te neilo chuan engtingne kan sawi theih ang? Chuvang chuan he Budget hi kan pass thei lo a va ang ve mawle Pu Speaker Document kan tur lamte hi han peih phawt selangin thildang chu kan sawichiang theih ang chu. Tin, hun te a awm chuan, naktipah kan sawi dawn chauh a ni a. Naktukah min pek theih chuan a tha turah ngai ila. Mahse khangte document te an awmlah pheih chuan sawi karsa ka ti dawn khawp mai. Sawina tur hun min pek leh pawh hi kan rawn dil dawn che u a ni.

Tin, kan hmasawna tur tak tak thil hi kan ngaituah chuan Mizoramah hian Power hi a pawimawh em em a ni tih kan hre tlang theih a. Heng Budget a kan power han dah dan te hi a va chiangkuang lo em!! Tun, ang stage-ah hian Mizoramah hian hmasawna tur tak tak kan ngaituah chuan electric power lo chuan thil engmah tih theih tawh loh a ni a. Heng bamboo kan sawi emaw, sapthei kan sawi emaw, heng zawng zawng te pawh hi puitlin tak tak na tur chuan electric power kan neih a ngai a, kan mamawh a. Tin, tunah chuan kan thang tharten thil engkim electronic hmanga thil hrang hrang siandan an hrethiam tawh a, kan thangtharte han than chhoh dana hi, keini sorkar hian kan man phak lo em ni aw ka ti hial a. Chutiang khawp chuan kan thangtharte hi an kal chak tawh a, chu an kal chakna chu tanpui tur leh ti hmasawn zel tur chuanin Electric Power hi kan mamawh tak zet a ni.

Amaherawhchu, Budget a kan han dah dan te hi a ho lutuk hian ka hria a, tlema tam tham deuha kan han dahna te chu lamsialah lakh 100/- kan han dah a, Bairabi-ah Hydro Electric Power tih atan hianin lakh 70 te chauh kan han dah te hi a ni a. Nakinah Company-in engnge an la rawn tih a ng tih te kha a ni a. Engnge ni hemi Detail Progress Report te kan la hmu lo te kha a ni a. Khangte kha khatiang anga kan kal chho leih leih a nih chuan engtikmahin Electric Power hi kan nei thei dawn lova. Tin, Budget atang kan han thlir ngawt pawh hian engmah zuk thathnem puina tur hi a awm baw si lova. Khatiangte a nih chuan kan progress kan development chhoh dana hi chu a muang chho hle dawn mai a ni tih a han hmuh theih ta a. Chuvang chuan, kan priority hi a that rual tual hian, heng lo pawh hi priority dang pawh a awm e. Pahnih chu kan suggest thei mai a ni. Pakhata chu, hemi Employment Problem sutkian dan tur te, tin, kan than chhoh chak zelna turin Power kan mamawh a ni tih hi kan priority-ah hian han tel ve thei se chu a va han lawmawm dawn em. Kan tar lan tak te hi a puitlinna mai tur kan tih tak tak loh chuan, kan thang tak tak lovang. Ei leh bara intodelh a tha e, amaherawhchu, khami tur khan thui tak kan kal thei hrih lo. Amaherawhchu, a tlachawpa kan mamawh em em chu

Employment te hi e ni zawk. Tin, chu bakah chuan tha taka lo neitute pawhina nakina intodelh theihna tura an hman tur Electric Power te hi kan mamawh zawk a ni. Chuvang chuan, hetiang han thlir hian, heng kan Budget hi duhthu ava sam lo em !! Pu Speaker.

Tin, chu loah chuan Work Scheduled te leh heng Comptroller & Auditor General report tih te, heng Appendix tih te, kum danga kan hmuh thin ang te kuminah, tun tumah hian kan hmu lova, khangte kha naktukah hian min pe thei dawn lawm ni tih ka rawn ngen bawk che a ni, ka lawm e.

...384/-

PU LALCHAMLIANA
MINISTER

pu Speaker, ka lawm e. Hei vawiinah Budget general discussion kan nei a, budget hi thil har deuh mai a ni a.

Kan mithiam tam takte pawh hi an hriat dante a inang lova, chuvangin helai House-ah hian pu Speaker, i ding lam amite leh i vei lam amite hian kan hriat dan te kan thlir dante a inang lo hle a ni tih kha member hrang hrang ten kan sawi atang khan a chiang in ka hria a. Hei vawiinah hian kei chuan he budget hi khawvela tha ber tih chu ka sawi ngam chiah lova, a chhan chu khawvel hi a zau ang reng a, ram ringawt pawh hi 200 chuang a awm a. Tin, State emaw province emaw kan tih neuh neuh nen pheii chuan kum 1-ah hian budget nei thei hi 2000-3000 inkar hi chu a awm ngeiin ka ring a, chung chu ka zir ve hman loh avangin vawiinniah hian a tha ber a ni chu ka ti ngam chiah lova, Mahse, tuna kan ram dinhmun phak tawkah hi chuan a tha khat hlein ka hria a ni.

Tin, kan han sawi dan a hi Pu Speaker, Esopa thawnthufing kan zir thin a, Beramno leh chinghnia, Chinghnia a hnar lam amiin a mawng lama tui dai lai kha engatinge ka tui in tur i tihnut ti a chhuanlam tur zawnga a seh ta tho tho kha kan ang deuh in ka hria a. Chhuanlam hrang hrang hmangin he budget a hi kan han sawisel hlawm a. Entirnan, tun budget-ah hian Planning Commission-in pawisa min pek tur zat a chianglo, Finance Commission-in engzatnge min pek dawn a chianglo te kan ti a. Mahse, Finance Commission hi he Mizoram Sorkar thu hi a ni hlei nem, Planning Commission pawh khu Mizoram Sorkar thu a ni hlei nem. Chuvang tak chuan ani a, a zat chiah hi a sawi theih loh, plan-ah erawh chuan nikum ang level khan lokal rawh u an tih avangin he budget hi kan Finance Minister zahawm tak khan a rawn present mai a ni. Chuvangin kan thian thenkhat te hi awmlo ngena tapte pawh hi an ang deuhin ka hria a. Hei Work schedule-te pawh vawiinniah min pe lo an ti a. Tunhma zawnga budget system-ah chuan pu Speaker, September, October thla hian plan an discuss tan thin a. Tichuan, a tlai berah February-ah an final thin a. Chutiang chuan work schedule nen budget-te pawh an lo present thei thin a ni.

Amaherawhchu, Central Sorkar kalphung a lo danglam ta a, chuvangin planning commission in plan size turte a lo sawi lawk thei ta thin lova. Chuvang tak chuan vawiinniah hian hetiang kan kal hi a lo ngai a. Kuminah chauh hian a ni lova, nikum lam leh nikum hmasa atangte pawh khan hetiang hi kalpui tawh a lo ni zawk a. Kha kha tuman kan haiderlo, kan hailo. Amaherawhchu, kan hai der a, tichuan, Chinghnia lui hnar a awmin luimawnga Beramno kha engatinge ka tui in tur i tihnut tiin a seh lui ta tho tho kha a ni berin ka hria a ni.

Tin, hei Peace Bonus chung-changte hi kan sawi kan sawi a. Ka hriatthiam ve dan chuan Pu Speaker, kan Opposition member zahawm tak takte hian peace Bonus hi an duhlo bik pawh a nilo, amaherawh chu an khawp kham lo ni berin ka hria a. Nia, duh tawh hi chu mihring hian kan nei thei lo a, amaherawhchu, State dangin Peace Bonus an nei ve miah lo a hi, 180 crore min pe hi chu ropui tak chu a ni. Amaherawhchu, group of officers-in 447 crore an recomend a, engatinge kha kha in hmuh loh min ti a ni. Kan Chief Minister zahawm tak hi almighty a ni bik lo, tihtheih chin tawh chu a nei ve a ni. Chuvangin 447 hi group of officer-in an mamawh an ti a, 447 pe zel tur pheih chu a nilo. Chuvangin kan theih tawkah hian i lawm ang u. 1986-ah remna leh muanna a lo awm a, memorandum of settlement a lo awm te pawh khan lawm lo kan awm a ni. Chutiang chiah chuan vawin niah pawn Peace Bonus-ah hian lawm lo kan awm a ni.

Amaherawhchu, kan phak tawkah hian Pu Speaker i lawm ang u tih hi vawiinniah hian ka sawi duh a ni. Chuvangin an duh khawp lohna hi chu hrethiam ila, kan Chief Minister zahawm tak hi a duh apiang ti thei bik chu a nilo. Amah ah hian limitation chu a awm ve a, mite hmuh loh 180 crore pek in kan awm a, amah avangin. Chumi bakah chuan plan sector-ah 50 crore zel, kumtin, kum nga(5) chung atan min tihsak leh a. Chumi piah lamah chuan North Eastern State hrang hrang tana an tihah khan tam tak kan plan thiam dan a zirin, kan haichhuah thiam dan a zirin hmuh tur a awm ve a ni. Chu chu Pu Speaker ka'n sawi ve duh a.

Tin, chulo lehah chuan, ka'n sawi duh leh chu, a lehlamah deficit hi nikumah 145 atangin kuminah 245-ah a chho a an ti a, a chhan leh avang hi kan hre vek a ni. A chhan bul pui ber chu Budget Speech ah pawh a lang reng a ni. Sorkar hnathawk hlawhte, pension-te, M.L.A.-te hlawhte a lo pun tak vang a ni tih a ni mai a ni, M.R. hlawh te chenin. Chuvang chuan a chhan dik tak kha, kha kha a ni a. Hetah hian a lo pung ta a ni. Chutah chuan a deficit lai a hi ring takin an sawi a, he Sorkarin deficit kan neihna hi khawnge in hliahkhuh dawn teh ang ti a tan an lakna lai kha an sawi sel leh si a.

Vawinah hian Chiang taka lang chu kan Finance Minister, Chief Minister ni bawh speech-ah pheh 23-ah on the other hand a fourth having made to reduce non developmental expenditure under non-plan which have been fulfilled to a certain extend but due to additional Financial burdens stated above. Sorkar hnathawk hlawh pungte, M.R. hlawh pung te, M.L.A. hlawh pung te, pension hlawh pung te zawng zawng kha a ni a. The restriction imposed under non-plan expenditure and other various economic measures could not off set the negative balance a ti mai a ni. Tin, chulo lehah kan sawi duh chu, vawinah hian khati chung kan ni tih hre reng khan engatinge Sorkarin hlawh measures an la lo an ti a, measures an lakna chu April 18-ah Union Finance Ministry leh Mizoram Sorkarin khami record of discussion an siam, anniin MOU an tih tak, keini lamin Summary record kan tih kha,

kha kha measures an sawina a ni a. A measures an sawisel a, a lehlamah, a lehlamah siam lo an ti baw k si a. Chuvang chuan waviinah hian, a ni reng a ni. Measures an siam lo an ti a lehlamah Sales Tax pawh mumal deuhin i la ang u kan ti a, anmahni hova lak tura rel kha waviinniah hian amendment bill kan tih ni khan engnge an tih Pu Speaker record vek a ni. Lehlama pawisa indaih silo an ti a, indaih lohna phuhruk nan hma kan han lak in an sawisel leh baw k si a, chuvangin thil awm lo ngiat tak demand a awm ang deuh a ni a. Hei hi mipuitling awmdan tur constructive opposition awmdan tur a ni em aw ka ti a ni. Constructive anih chuan enga kima Sorkar thil tih do zel hi constructive opposition anih chuan an pawm dan ni sela. He Sorkar hi an mit a tlung taw k lo anih chuan kawng tha chu kawh hmuh ang hmiang. Khawng kawng tha chu an hmuh. Anih loh leh deficit leh debt pawh chu ngaihtuah hrang a sawi kawp a kan public debt a hi a dik tak chuan nuai 8469.07 debt a ni deficit a nilo. Debt lo kalna chu loan chi hrang hrang a ni, loan chu chi hrang hrang a awm a ni, Government-in a resource a siamna a ni. In sawisel tum hrim hrim kan attitude em ni. Pu Hlana khan ngaihtuah tlang ang u a tih kha a lawmawm hle in ka hria. Kan Deputy Speaker hlui kha keimah ngeiin ka proposed a ni a, waviinah a thutna a thu lo hi ka rilru a na em em a, mahse a insawn tak ayanga Hnahthial bialtu pet tel kher a tih kha ka ngaihtuah a ni.

Pu Speaker, kha kha zawng anmahni nisela maw, pu Speaker, advice tha tak mai, helai amite nek per pawh a nilo, helai thutna remtute nek per a ni, anmahni thu ni sela, ka ngaihtuahna kan sawi rih a ni a. Tichuan waviinniah hian pawisa indaih lohna a tam ti chung si a, Sorkar hmalakna, pawisa lak belh tumna hlek sawisel baw k si chu kei chuan.....

S P E A K E R : Ngawi tu, in bengchhen phah dawnin ka hria, hun chu ka tihbuai chhung che u chu, hei seat in sawn thuah hian ni e, kan Deputy Speaker thutna siam a lo ngaih tak si ah chuan a thiante nen helai a awm tlan hi an duh a, anmahni duhna tihpuitlin sak kha a thain ka hria a. Tin, a aia thutna hmun pu Zuala an va luah kha kan bia a, anin 'e an tihna apiangah ka thu ange' a ti a, helai block law law hi remchang ka ti a, a hnukungah khian, mahse, tlar thumna a ni a, a fal deuh awm mange an rawn ti leh a, tichuan anmahni min rawn rawtpuina ah ka dah a, helai hi chu sawi thar vak ni lo se a tha ang a, bengchhen phahna tlak a ni love, kan subject lamah i kal ang u.

PU LALCHAMLIANA MINISTER : Ni e, pu Speaker, ka tawp tep tawh e, a reng rengah Lungpho bialtu zahawmtak khan Central University kan hmuh tur chung-changte a rawn sawi a, fimkhur a ngai a ni te a ti a.

Amaherawhchu, thil pakhat kan hriatchian tur erawhchu, Central University hi Mizoramah a rawn ding anih pawhin Mizoram ta chu a nilo a ni, a chhawr bertu kan ni ang, Entirnan, All India Radio-te, Doordarshan te pawh a awm a, Mizoram Sorkar ta chu a ni hauh lova. Amaherawhchu, hemi a lo dingchhuak (Interruption) Nia, Mizoram ta chu a ni hauh dawn lova, amaherawhchu, a chhawr vetu tur kan ni dawn a.

Tin, a tawp ber atan chuan vawih loh vawiha inpuh pawh hi na kan ti thin a, entirnan, kan House Leader zahawm tak hian kan ba kan thing dawn tih hi a sawi ngai ka hre lo. Mahse, kan Member thenkhat-te hian vawinniah sawi angin an puh a ni. Chu chu kan sawi ve a ni e, Pu Speaker ka lawm e.

S P E A K E R : Awle, tunge sawi leh dawn ?
Dr.Lalzama.

DR.LALZAMA : Pu Speaker, hun min pek avangin ka lawm e. Hei budget kan han sawiho a, a ngaihnaawm viau bawka, kan budget hi duhthusam leh a tha ber han tih tur chu a ni hauhin ka ring lova. Amaherawhchu, kan Opposition Leader zahawm tak pawh khan a hmasabera a han sawiah khan khawvela budget chhe ber, thalo ber ni ang khan an sawi a. Khawvelah ram hrang hrang a tam teh lul nen, nichina ka hmaa pu Lalchamlian a sawi tak ang khan engtingge khawvel ram hrang hranga budget hi a lo thlir hman aw! ka ti a. Khawvelah hian ram 200 chuang a awm tawh a, chungte chuan ram pumah budget an lo siam ve tawh a.

S P E A K E R : Lo ngawi lawk rawh aw ! Engemaw kan tawngkamah a chhe ber han tih kher kherte hi chu tu pawhin hmang lem lo ila, heng kan budget a hi ram hma a sawm zel avangin kan hriat theuh tur erawh hi chu tun ai sang hi a la awm lova, tin, pawisa kan hman belh supplementary pawh hi tun ai sang a la awm lova, chuang chuan tawngkam hman hi fim-khur deuh ila, a kal zel dan tur kawngah chuan chutiang khatieng chu a ni e, tih kawng erawh hi chu thuhraan vek a ni a, zalenna in nei a. Mahse, tawngkam hi tlemin mawi sela; sawi rawh le,

DR.LALZAMA : Pu Speaker, ni e, tawngkam hmante hi ni e, a dik khawp mai. Khatianga 'chheber' han tih te emaw, a tha hauh lova, kha kha tuman an awik chuang lo reng a ni.

Chuvangin, a lo ngaithlatu leh a lo hmutu an awm anih pawhin khatiang tawngkam kha chu an awih chuang hauhvinn ka ring lova, mi pangngai chuan. A chhan chu ni li ni nga lek chungin khawi khawvel ami Budget mah kha an lo zir hman lo reng reng tih kan hria a ni. Chuvang chuan, thil sawi dan hi a tawk a fang leh mi awih tawk lawm te pawh hi a awm a. A thudik hi a awm a. Hei, thil han sawi reng reng a, mipuite pawhin, ni awm mang tak e, han tih theih tur, a dik leh a thalai sawi tluantling mang si lova thil sawi hi a pawh khawp mai a.

Entirnan, tunah pawh khan kan Budget-te an sawisel vak a, V/C election lai khanin, tuna December thlaa V/C election campaign lai pawh khan, kumthar veleh MNF Ministry a tla dawn, Sorkar thar kan siam dawn tih vel mai kha a ni chauh a ni. Chuvang chuanin, khatiang ang, engemaw therhlo te te, mipui han awih theih mai awm chi an sawi vak vak mai hi a tha hauh lova. Tunah chuan, kan ram leh kan hnam lo dinchhuahna tak tak tur thil hi kan ngaihtuah a ni. Chu chu kan hriat hmasak a pawimawh hle in ka hria. Opposition lam nih vanga sawisel tur hrim hrim chan te hi a dik hauh lova, kan ram siamthatna a ni lem lo. Mipui bumna a ni. Chuvang chuanin a dik hi sawilan tur a ni a, sawi pawh hi sawi tluantlin tur a ni a. A dik lai a kha a thalai a pawh hi sawilan bawktur a ni. Chuvang chuanin, heng Peace Bonus han tih te pawh entirnan, kan ram fan, State ralmuang ber kan nih avangin kan Chief Minister zahawm tak hian Central ah zuk kalin ti hian a zuk sawichhuah a ni kan ti a, kan hre theuh a. Lehkha Central atanga lo kal ngei pawh keimah ngei hian ka mit ngeiin ka hmu a. Champhai lama hemi tui in tur buatsaihna tur ruahmanna sanctioning letter-ah khan, Peace Bonus tih kha, bracket a ni kulh a ni. Chu chu an ni pawhin an rawn ziah dan, a term an hman pawh a ni nghe nghe a ni. Hei hi kan hria a. A reng thuah Pu Speaker, term hmasa leh Ministry hmasa zawng zawngah pawh awm ngai miah lo thil a ni a. A lo awm thin tuna hmu tlem thar ta ni ila chu, a tlem a tlem han tih pawh hi awmin ka hria a. Awm ngai reng reng lo thil thar a ni a, lawm ve mai awm chu a va ni em! Ngaihtuahna pangngai rilruah chuan, tih kha kan tarlang duh a ni.

Tumahina kan la hmuh ngai loh Sorkar hmasa hun zawng zawngah pawh la awm ngailo, thil thar a ni tih pawh kan hre vek a ni. Chuvang chuan hetia a tlem a tlem tih tih mai kha thil dik a ni hauh lo. Mipui, lo thlir chiang vak lo phei chuan' anih reng tak mai' tih a ni leh mai dawn a. Chuvangin lawmthu sawi mai tur thil a ni.

Tin, chubakah kumkhat tha zet chauh Sorkar hi a kal a la ni a. Hemi chungah Sorkar hmasa thil tih puitlin loh zawng zawng mai tipuitling tura inphut nghal ut ut mai pawh hi thil dik a ni hauh lo. U.T. kan nih atangin kum 30 dawn Sorkar kan lo nei tawh a, Congress pawhin kum 10 a zawn zatin Sorkarna a chang tawh tih pawh kan hria a. Khang chung zawng zawng pawh an tih theih loh kha tuna kum khat lek Sorkarina tih theih vek tura in sawi in sawi mai hi Pu Speaker, thil atthlak tak a ni tlat a ni.

Tin, chulo lehah chuan MNF leh MPC in Sorkar intawm an siam a ni tih kan hre theuh a. Tuna Opposition member zahawm tak tak te pawh hianin an sawichhiat tam zawh poh leh anmahni pawh an in sawi chhe tel nghal a ni tih an inhriat a tha in ka hria a. A chhan chu thil tam tak tih ho lai a ni a, an tello chuan thla 2/3 lek chauh tak tak a la ni a. phuldungsei bialtu zahawm tak khanin kum 1 hun chhungah khanin kalphung hlui aia chhe zawkin kan kal a ni tih te pawh a sawi ve a, a uar hlein ka hria a. Amah ngei pawh Minister-a a awm hunlai kha a ni si a, chutiang rilru chuan han ngaihtuah ila, a lo ngaithlatu leh lo hmutute pawh hianin kan tih ho thin laia thil kal a tam ber kha a ni a. MNF hlanga Sorkar siam chu thla 2/3 lek a ni a. Hemi hun reilo tea thil diklo taka kal ta anga in sawi vak vak mai pawh hi mipuite hian kan hriatthiam a thain ka hria a ni. Chuvangin hetiang thil hi ti lo ila a thain ka hria a.

Hei thenawmah pawh thil a chhe lampang sawi ching tak thil tluantlinga sawi duh silo te hi an awm chuan thil thalo tak a ni. Mi chutiang deuh chi chu an awm a ni tih ang deuh khan, nikum lama presbyterian sunday school zirlaiah khan a chuang nghe nghe a, khatiang ang deuh kha min ti hrechhuak a. A chhan chu thil dik leh thil tha tak mai he Sorkarina a han tih a te pawh sawi tluantling duh si lova, a chhe zawng tak a sawi vak vak te hi mipui zirtirna diklo nasa tak a ni a. Tehkhin nan Summery Record tih pawh kha Group of Officers lo kal te nena khami Group of Officer discussion a kha an record ve a, khami Summery record of discussion tih te pawh kha Pu Speaker, englo ania, State harsa zual tena a hun lailawka an in enkawl na tur hmanrua hmalak dan tur a ni mai a. Khang te pawh kha, tiang hian lo ti ve ila a tha ange, ti a recommend an han siam kha a ni a. Khang te pawh kha loh theih loh thil a ni lova, legal binding pawh a awm a ni lova, tihluihna thil pawh a ni bawk lova, khang thil te pawh kha. Engpawh nisela, State dangte pawhina an neih a ni a, kan State tana thil tha tur an discussed a an han ruahman kha a ni a. Kan tih ho hunlai vek kha a ni a, sawi sawi chi pawh a ni chuang lova, tihluih thil pawh a ni chuang lova. Chuvangin, hei hi pu Speaker, Chuvang chuan hei hi Memorandum of Under Standing a ni reng reng lo, tichuan, Summery record of discussion tih pawh kha kan sawipui ta tho a ni a. Chuvang chuan State harsa zual te lo in enkawl lailawka na tur a ni tih chu an hre ve thova. Amaherawhchu, thil tha ta lo anga sawi tak vak vak mai hi a pawh khawpin ka hria. Entiran, hei kan Transport Minister thin, Buarpu bialtu zahawm tak pawh khan Bus fare tihsan chungchang ama hunlai ngei a rawt chhuak a, khatia Sorkarina a tihthluk kha a ni a. Mahse, tunah chuan a sawisel vak tawh mai a ni. A hunlai ngei thil kha a ni si a. Chuvang chuan khatiangte kha thil diklo tawp a ni a, an hunlai a thil tih a kha thalo ti tak chung khan an lo ti thin nge ni, thutna sawn avanga hetia mipuiina an awi ve theih tur chi si a, thil thalo thar ta ang deuh a sawi chho vak mai hi thil tha a ni lova, hetiang hi kan kaldan tur a nilo, kha kha Budget thil sawi hmain ka han tarlang duh a ni.

Constructive criticism a awm a, constructive tak a opposition nih kha a pawimawh a kan ram tan hian. Mahse, heti hi chuan kan sawi dan, opposition tam tak thusawi ngaihthlak chuan mipui hrelo zawk tan chuan tun Sorkar chu a va han chhe tak ve, kan chhe vek dawn anih hi tihtur khawpin a lang thei a. Chuvang chuan hei hi ching lo ila a tha khawp mai tih kha ka han sawi duh a ni.

Kan Budget hi nichina kan han tarlan ang khan a thaber zawng a ni hauh lo mai. Khawvelah a chhe ber pawh chu a nih ka ring bik lem lo bawk. Engpawh nise, kan plan size ang zelin, kumtinin Budget kan siam thin tih kan hria a. Nikum zulzui pawh khan heti hian kan ti chho a. Nikum lamah te pheii chuan tuna opposition lama awmte nen titlang kan ni a. Chuvangin tun ami hi chhe ta ngawih ngawih thar thut kha a ni ti ila mipui pawhin an awi ka ring chuang lova. An mahni pawhin an rilru tak takin an awih pawh ka ring lova, mahse, mi hriatah an han tarlang ve deuh mai a ni tih pawh ka ring a ni.

Pu Speaker, helaiiah hian ka han tarlan duh a chu, kan Budget-ah hian Demand No.22-na a School Education thu hi han tarlan ka duh a.

School Education hi a pawimawh hle tih kan hria a. Kan ram tan ngei pawh hmanlai atangin mithiam kan inchherchhuahna a ni tih hi ka sawi duh a. Tuna kan Officer pawimawh tak takte pawh hi hemi Primary-ah lo zir chhuak dik tak an ni a, veng hrang hrang ami te pawh. Chuvangin Education awmlo chuan ram a thang tak tak thei dawn hauh lova, tawp ta mai pheii se chu, tunah hian Department dang ai chuan nasa takin kan ram hi a nghawng chhe nghal dawn a ni. Chuvangin, mawlina ramah kan lut puk thei dawn a ni. Thil pawimawh tak ni a kan hriat chu Education atan Budget hi a tlem ka ti fova. Han tarlan kan duh lai tak chu, tunch pawh kan ram zim te a Primary School hi a building repair ngai hi a tam em em a, zirtirtu lah an indaih loh thu te kan ngaithla bawk a ni. Hemi atanga han chhut chhoh ngat chuan Budget-ah hian a duhthawh awm khawp mai a. Tunah pawh Matric result a chhuak anga, a sang lam te pawh han sawi tlang chho zung zung ila, Class XI zirna tur kha buaithlak tak a awm dawn a. Chuvangin, Higher Secondary School din belh te a tul em em zel niin a lang. Chubakah School building leh a zirtirtu han appoint-na tur te, heng te pawh hi post fill up a, a vacancy awmsa te fill up theihna tur thil te a pawimawh ta em em a ni.

Tin, College lampangah pawh hmun hrang hrangah College a awm ve neuh neuh a, heng private College-te tha lo tak tak ni a, tuna berh tak tak kalna tlak vak lova kan ngaih pawh hi phuisui takin siam thei ta ila chu, naupang tam tak a hip dawn a. Tunah hianin India ramah pawh College tha ber zoramah pawh kan din theih vek a ni tihna rilru hi kan neih pawimawh hle in ka hria. Tehkhin nan ka bial chhungah pawh College kan han din a Durtlangah hian, 1992 a kan din, mahse, tunah

hian a thei thei fa leh naupangte chu Aizawlah an lo kal mai a ni, a berh em mai an ti a. Chutiang chuan berh lovin tunah hian ti puitling ta ila chu, naupang a let tam tak kha an awm thei dawn a, a chiang reng a. Chuvang-in tuna College awmsa hi India ramah pawh a tha ber ber, Zoramah pawh kan din thei a ni tih rilru hi pua Foreign atang pawha lo kal duhna khawpa tha kan rilruah hian awm se ka duh a ni.

High School-te pawh building nei manglo, private High School riltam tawh tak tak tan-pui ngai em em mai an tam a, ka bialah pawh an awm a ni. Chu chu naupangte an tamin an mamawh tawh si a, kan tu leh fate mamawh anih si avangin, heng hi han voh deuh theih a tha khawp a. Science leh Technology-te Engineering College-te tuna hei Durtlanga kan ruahman mek te pawh kan ram tana a that dan han chhut chuan, helamah hian han in voh tam dan ngaihtuah hram ila, mipuite pawh in kan hriattlan a pawimawh a ni. Mahni veng leh khuah pawh Institution awm reng reng lo tawiawm zel a pawimawh. Sorkar pawhin hma la chho zel se tih leh Budget pawh han belh tam thei deuh se tih hi chu a duhawm mange, Higher Education nen hi chuan tih chu ka rilruah a awm a ni.

Tin, Employment-ah pawh Development ruahmanna thil thui tak awm hian Employment pawh hi a keng sa tih kan hriat a pawimawh hle a ni. Helaiia zawhna chhannaah hian 1999-2000 chhunga Recruit zatte pawh kha kan hmu a. Kan sawi juh chu he kan ram lo hmasawn chhoh zelna tura kan Budget-a hmalakna kan han siamah hian Employment pawh a lo keng chho zel dawn a ni tih kha kan hriat a pawimawh a ni.

pakhat lehah chuan, ei leh bara kan intodelh theihna tura hmalakna tur Agriculture leh Horticulture atang ringawt pawh hian ropui hlein ka hria a. Hei hi tipuitling thei turin Zoram mipui hian tihtakzeta hma kan lak hi a pawimawh takzet a. Sorkar suma theihtawp a tanpuina leh loan emaw engemaw kan tih bakah mahni rilru tak tak kan ram hianin hma kan lak hi a pawimawh hle mai. Sorkar pawhin khawtinah V/C tin hnenah hianin officialin hriattirna pe sela, chungah chuanin hma kan lak theih zelna tur leh tha tho taka hma kan laktheihna turin a pawimawh hlein ka hria a. Vawinawh pawh budget-a chumi atan chuan a lo lang a, a lawmawm hlein kan hria a ni. Awle, hunte a tawi avangin chu chu ni mai sela, ka lawm e.

S P E A K E R : Pu Laltanpuia, englo kan sawi zawk ange. Thusawilai kha intihbuai loh hram kan tum a tha a, a mawi pawh a mawi lova. Tin, kan dan pawh hian a phallo hrim hrim a. Points of order te a awm anih chuan chu pawh chu pawm tlak points of order kha a ni tur a ni a. Chuan kan zavaia tluang taka kan tih theihna turin intihbuai loh hram hram i tum ang u.

PU H.LALTANPUIA : pu Speaker, ka lawm e. Pu Zama, Aizawl North-I bialtu sawi zah zet kan sawi dawn chuan a hun hian mi daih tawh lo tlat mai a Pu Speaker,

S P E A K E R : pu Zama kha ka tihsual palh hlauh mai a, keiman kan sawi law law mai ange. A minute kha ka tihsual palh a, chuang chuanin ngawi rengin ka pek belh ta mai a ni. Dar 3:24-ah khan thu a sawi a, khalai kha in lo hriat atan.

PU H.LALTANPUIA : pu Speaker, ka lawm e. Kan sawi hmasak duh lai a chu kum 20 chuang rambuaia kan awm tawh leh kan economy zoram pumpui mai hetiang khawpa a lo tlakchhiat tawh hnuah vawinniah business thar sang tak nen he Sorkar a hi kan thlir a, chutianga beiseina kan neihnaah chuan engang tak hian nge kan Sorkar hian kan ram economics dinhmun a hi leh kan mihring dinhmun a hi a chawikan anga, eng ruahmanna nge a neih ang aw, tih hi ka ngaihtuahna lianber a ni a. Pu Speaker, economic hmasawna kawng hrim hrim maiah hian kawng thum awmin ka hria a, pakhat chuan political, economics leh Social & Cultural, amaherawhchu, helai political, economics, Social & Cultural thil a hi thil thumun a pakhat mah thlauthlak theihloh nimahsela vawinniah kan dinhmunah hian kan economics development hi han thlur bing tha in ka hria a. Hei, khawvel ram thang lo atanga thang tura insiam chhohna kawngah hian policy kan neihdan azirin kan ram hian hma a sawnin a sawn lo dawn ani tih hi a Chiang em em in ka hria a.

A hmasa berah chuan kan Chief Minister zahawmtak hian Mizoram hian kan economics system hi kan thlak tur ani a ti thin a. Amaherawhchu, Economic system thlak tur hian pu Speaker, khawvel a economist rual leh mithiam rual engemaw zat pawh hian an la hmu theih chin a chu, pathum chiah ani, a dang hi a la awm theilo reng reng, chu chu Socialistic pattern of Society ani a, pakhat leh chu Capitalist economy ani a, pakhat leh chu mixed economy ani a, Heng mite pathum aia tam hi ram pumpui hian an la hmu chhuak lo, economics system thlakna tur hian. Mahse, hetiang hian ka han kai lut hram a, kan economics policy hi kan thlak a ngai a ni, tih ang zawngin kan kailut hram a. Pu Speaker, kan economics policy chu thlak ila eng ang hian nge maw kan thlak ang le, vawinniah ei leh bara intodelh, self sufficient in food-ah hian kan ram hi developed-in a awm thei dawn em ni tih hi kei ka chhut a ni. Kan mithiam chi hrang hrang ten lehka an chhiar phak chin an chhiar kan han ngaihtuah hian self-sufficient in food, ei leh bara a intodelh avang ringawta khawvela ram/hnam changkang an awm ka la hrela reng pu Speaker.

A pawimawh love ka tihna a nilo, Amaherawhchu, a priority ber maiah kan han hmanh hi chu kan ti fuh lovang tih ka hlau tak zet a ni. Ei leh barah chuan 1966 hmalamah phei chuan tampui mitthi engemaw chenga kan tawh deuh tih lohte phei chu, Zokhua, kan thingtlang khuaah chuan kan intodelh a ni lawm ni. Buh kham khawp kan thar a, chawmeh kan thar a, thingtuah tur engemaw zat kan nei sa a, ei leh in ah pawh kan intodelh e, Amaherawhchu, khatiang khan awm reng ila miin developed countries min ti angem? Ram changkang min ti angem? Kan ram leilung hausaknate, ngaw neih tamah te, leilet neih tamah te, hengte hi hnam/ram hmasawna tur ni sela chuan, vawiinah kan chhak Burma te hi Pu Speaker, khawvelah hian ram changkang ber tur ami te zing ami an ni. Zawl an ngah lutuk, Bulldozer-a laih ngai lo, zawl an ngah lutuk. Mahse, ram changkang an ni em? Chuvang chuan hemiah hian a pawimawh zawk chu Pu Speaker, infrastructure development-a hi a pawimawh zawk a ni. Infrastructure development kan neih loh chuan vawiinnia self sufficiency in food tih ringawt hian ke a pen dawn chuang miah lo. Kan thalai ten hna an hmuh phah dawn chuang miah lo. Silh leh fen kan duh, engkim kan duh, khawiatangin nge kan neih chuan ang Pu Speaker. Heng ei leh barah hian intodelh turin hma lo la tak tak dawn pawh ni ila, a large scale tur atan tak tak hian chuan Mizoram chawm khawp tur hian keini ang tlang hriamah hian chuan engtikah mah hian kan tih theih tak tak ka ringlo. Vawiinniah kan moral hetiang a ni tawh bawh si a. Chuvangin kan thangtharte moral boost chawp a, he ei leh bar a kan intodelh theihna tur atan hian kawng awm a chu, Power kan ngah tawh a ngai, kawngpui tha kan ngah tawh a ngai.

Tin, human capital formation kan neih that a ngai bawh. Heng thil pathum, kawngpui tha, power leh human capital formation hi kan hlamchhiah a nih si chuan Pu Speaker, ei leh bara intodelh kan tih hian economic measures mitena an bul tan dan a nilo hrim hrim mai a ni. Ei leh bara intodelh ringawt hi. Anih loh leh India ram pawh vawiinniah chuan Green Revolution an ti a, Dr.M.S.Suwaminathan hmangin ei leh bar buh leh balah chuan kan intodelh a lawm, mahse, vawiinniah chuan ram develop kan ni em? India ram hi khawvelah hian ram develop a ni em? A ni chuang miah lo. Burma te pawh kan hriat theih chinah chuan kan naupan lai chuan Burma ramah chuan buh an han thar hnem zia chu an han chhun pawh hian tlang tiat a ni an ti. Mahse, ram hausan an ni em? Ram intodelh an ni em? Ram changkang an ni em? An ni chuang lo reng reng a ni.

Chuvang chuan Pu Speaker, helaiyah hian kan Sorkar pawh hian ei leh bar kawngah hian no. 1 priority-ah self sufficiency in food a dah rual hian heng infrastructure development a hi kan ngaihthah leh si chuan Pu Speaker, kan fail leh bawh ang tih hi a chiang em em in ka hria a. Chuvangin, helaiyah hian kan Sorkar pawh hian a policy hi ennawn leh se ka ti takmeuh meuh a ni. Khawvel tinin hei hi an kalpui dan a ni. Chu chu ka sawi duh a. Tuna kan Budget atanga kan sawidawn chuan nakinah Supplementary Demand-te a la awm leh anga.

Number diklo kan sawi thei a, He Sorkar hian kumkhat chhung min hruai tawhnaah hian chung self sufficiency in food-ah tihah te chuan anih loh leh kum 1 chhung hian engzatnge a lo dah reng reng le ? Kan plan outlay atang hian Agriculture leh Horticulture atang hian buh leh bala intodelhna tur atan hian Agriculture-ah hian 5.54% chiah kan budget pumpui atang khan an dah a ni. Horticulture-ah 1.90% chiah a awm a, a pahnihin 7.44% chiah a dah a ni. 7.45% chuan self sufficiency-in food min thlenin kan ring em ni ? Pu Speaker, hei hi a manganthlak ka ti a ni. Mi ramah te chuan infrastructure development-ah te khan entirnan, Power & Electricity Department-ah te chuan India ram State hrang hrangah te pawh an budget pumpui atanga 28% te 32% te an dah a ni. India ram State zawng zawng chawhruah hian an budget outlay atang hian 26% hi power sector-ah an dah a ni. Mizorama kan dah ve chu 1999-2000 ah 9.28% chiah hi power sector-ah min dah sak a ni.

Tin, P.W.D-ah hian kawngpui tha a awm loh chuan eng ang pawhin thlai thar thin mah ila engtihna mah kan ni chuang lovang. P.W.D. ah hian 14.22 chauh an dah lehngal a ni. He thil hi kan hlam-chhiah a, ram thang tawh ten hma an lak tawh dan anga kan tih ve si loh chuan self-sufficiency in food tih ringawta hma kan lak a, chumiah pawh kan plan outlay atanga 7.45% chauh dah si hi mipuite hnena kan sawi nen hian a inanglo lutuk a nilo maw Pu Speaker. A inanglo lutuk a ni. Tin, Human Capital Formation, kum 40 chuang khawvela leh-kha thiam hrang hrang ten an han chhut thin hian ei leh bara intodelhna tak tak leh ram developed ni tur chuan human capital formation hi a lo pawimawh em em tih hi an hmuhchhuah a ni. Chuvang chuan Pu Speaker, human resource development-ah hian kum 2000 supplementary demand-ah hian Mizoram Sorkarina kan dah a chu School Education-ah hian 7.82% chiah kan dah a ni.

Tin, Higher and Technical Education-ah hian 4.49% chiah kan dah. A pahnih hian 12.31% chiah. Ram thatna atana a bul tumtu berte zing ami a ni. Human Capital formation kan neih that loh chuan awmia a neilo a ni. Tin, Sports and Youth Services hi human Capital Formation bawka a ni. Hetah hian 0.42% chiah kan dah. Ka ti mai mai thin a, Higher and Technical Education leh Sports and Youth Services hi pu Speaker, kan Cabinet Minister zahawm takin, Cabinet Minister meuhin a enkawl a hi, a pawisa kan han dah sak a hi kan ti thin a. A pahnih hian 91% Cabinet Minister enkawlah chuan a tlem hle mai ka ti pu Speaker. Tin, wawiinniah hian human capital formation a pawimawh tih ruala kan sawi loh duh chu kan UGC te hian civic right neiin, amahni hnuaia hna thawktute chu zalenna zau tak an pe a ni. Amaherawhchu, an pek rual hian inthlanna leh election vela che vel tur hian an rilru leh an beiseina UGC hi a nilo. Wawiinniah hian pu Speaker, tu ka tih bik mah ni lovin, pachhunga University College atangin pu Speaker, leave lak ngai 4/5 an awm a. An aiawh la leh tur khuan thla khatah Rs.3000 contract basis-in wawiinniah chuan an ruai thei tawk a ni.

Chumi ina a entir chu enge ni pu Speaker, Lecturer leh mithiam tam tak ten lehkha zirna lamah hmang lovin, an aiah mi Rs.3000 hlawhin an chhawr a. A tuartu chu College naupang, human capital formation a pawimawh tehlul nen College naupang bawk a ni. Chu chu a ni pu Speaker, vawh leh vawh, lum leh lum law law mai hi a tha lawm ni? (Speaker : Tute nge Rs.3000/-a chhawr kha, a lecturer a te khan nge chhawr a, a institution-a te khan sawifiah sela, chutilo chu a mistanding theih anga.) A Institution ten, chu chu a nia, Rs.3000/- lek hlawh khan M.A. val kha pachhunga University College-a zuk kal vang vang kha, kal taihmak a har lutuk pu Speaker. Romana College atang ten a then an kal a, pu Speaker, ka hrechiang lutuk, nizanah ngei pawh kan ti ti ho a ni. Chuvangin, zirnain a tuar leh thin a ni heng hi. Chuvangin kan lum leh lum ila, kan vawh leh vawt law law ila, he kan Ram enkawl-na turah hian, chu chu pu Speaker, ka sawi duh a ni.

Chuvang chuan, Civic Right hi keima mimal chuan ka duh lo reng a ni. Kan Human Capital formation, Human Resource a chhiat dawn ai chuan. Chuvang chuan heng Human Capital Formation kan neih that loh chuan, Power & Electricity kha neih that loh a, Road Communication kan neih that loh chuan engang zawng pawh hian ei leh barah intodelh tum thin mah ila, pu Speaker, kan fail tho tho ang. Hei hi khawvel kalphung hrim hrim a ni. Hetiang lo chuan khawvelah hian kal ngaihna an hre lo hrim hrim. Ei leh bara intodelh, thingtlang khuaa ei leh bara intodelh, zing chhum tur an nei, Maian bai tur an nei.

Tin, chulo lelah chuan pu Speaker, a pawimawh leh a chu, vawiinniah hian thlai engang pawh thar thin mah ila, pu Speaker, Market leh Trading a pawimawh lutuk. Market leh Trading awm lovin pu Speaker, Buh tam tak kan nei a, amaherawhchu, silh leh fen kan duh, T.V. te pawh kan duh ve, Pheikhawk tha pawh kan duh, a leina tur kha, kan thlai thar tur a kha hralh chhuahna tha kan hmuh leh si loh chuan puitling kan ni thei chuang lovang. puitling hmuhin min min hmu thei chuang lovang. Chulai chu pu Speaker, kan sawi duh a ni.

Chuvang chuan kan Sorkar hi in ennawn leh se, he kan policy-ah pawh hian thlei bik awm lovin, School Educationah te Agriculture-ah te pawh a ni Power & Road Communication-ah hian tun aia mar zawka kal-pui tum rawh se, tih hi pu Speaker, he House hi ka ngen duh a ni.

Tin, pu Speaker, kan sawi leh duh a chu, nimin lamah khan kan R.D.Minister zahawm tak khan Treasury kan khar lo tih te kha a rawn sawi, a ho ka ti lutuk. Treasury khar te hi Lock & Key emaw kan ti a, a staff-te kha chu an kal reng ang chu. Lock & Key emaw te kan ti a, a physical-a khar tak tak tur te hian kan ngai emaw chu aw ka ti pu Speaker. Amaherawhchu, vawiinniah chuan helai Treasury-ah hian nau 25 aia tam bill passed theih loh a ni a, North lamah nau 15 aia tam passed theih loh a ni a,

a vaim vaibelchhe maktaduai crore tel bill tang a awm si, chubaka Treasury kharna chikhat a awm thei dawn em ni. A khar reng zawk a ni. Anih loh leh contractor ten supply bill la thei lovin a khar reng a ni lawm ni vawiinah hian. Lock & Key-a kalh bur tur emaw te kan lo ti palh ange, kan Treasury Bench lam te khan. Ani lo ania, Treasury khar awmia te hi.

Tin, chulo lehab chuan Pu Speaker, kan Memorandum of Understanding kan tih mai, resolution-a kan sawi te pawh kha, kan Trade & Commerce chawtu Minister zahawm tak khan hmannah a rawn sawi a, kan group of officers te velin an tih vel mai mai a ni ang a ti a, a ngainep leh ang reng hle si a. Kha kha officer kalkhawn ti ti mai mai a ni a ti a. Khatiang officer kalkhawn mai maiin Peace Bonus nuai 80 a rawn hawn thei a nih chuan kan Sorkar hnathawk ho zawng zawng te Delhi kal thlaka ti ti mai mai tura zuk tirh thlak vek tur a lawm. Khatiang rawn hawn thei anih chuan, a ni lawm ni Pu Speaker. Group of Officers hote ti ti mai mai a ni a rawn ti a, a rawn sawi nep leh ang reng hle si, khatiang Officer ti ti mai mai ina nuai 80 a chan-ve deuhthaw long term interest awmlo a loan han hmuh te kha chu a ropui lutuk a ni.

S P E A K E R : Ngawi lawk rawh aw, hun a tawp a, darli thleng hi kan hun a ni a, tunah minute thum sawi tur a la nei a, kan sawi tlang tir anga, kan duh tawh mai dawn nge ni ang, naktukah, naktuk lam hi kan tlai lutuk a hlawhawn deuh hlek, mi 4/5 chu vawin hian kan sawi tir lawng maw. Naktukah hianin a tam zawkin extent-in duh loh chuan naktukah khan dar 4 bak kha ka ti thei dawn hauh lo a nia. Ka power a ni lova, House ngaihdan a ni a, amah chauh hi kan sawi tir anga kan tawp tawh dawn a ni. Naktukah khan member tam zawkin dar 4 ah tawp in duh chuan a bak kha ka thu neihna a ni lova. Chuvang chuan vawiinniah mi 4 tal chu Pu H.LALTANPUIA zahawh hian in sawi tir ila a la tha lo maw? Opposition lamin tha in ti lo maw, anih leh aw minute 3 sawi leh rawh se.

PU H.LALTANPUIA : Pu Speaker, sawi zung zung kan tum ange. Nichinah khan kan Treasury Bench lampangin an sawi lai khan ka rawn ang ve zuau zuau a, min ngaihdan pawh ka duh a. Vawiinniah hian kan Peace Bonus hmuh atangte hian Non-Plan assistant atan kan Sorkar hnathawkte hlawn tur kan ti a, a tha e. Kan Sorkar hnathawkte hlawn hi India ram pumpuiah pawh Fifth pay Commission an ti a, State dangte pawn an ti a, kan tih ve hi a tha, a lawmawn. Amaherawhchu, kan sawi zawk a hi chu Pu Speaker, Sorkar hnathawkte hlawn a lo pun hian an thawh sak a te mipuite tan hian engnge ni awm ve tih zawk a hi a ni ka zawhna thin fo ni.

Vawiinnia kan budget-ah hian kan Memorandum of Understanding-ah te hian mipui chanvo awm ve hi enge ni le ? Kan Sorkar hnathawk hlawah kan hmang zo a lawm, a lawmawm. An thawk sak mipui a te tan hian engeni awm ve ? A awm ve chhun a chu he Memorandum of Understanding-ah SRD t: pawn a paw love, heta mipuite burden, mipuite phurrit min siam sak a an mahni tana thil tha awmlo mai piahlaham phurritin siam saka hi a ni ka sawi ni, pu Speaker, hei zawk a hi a ni kan sawi ni. Sawrfu tur pawh awm tawhlo, kha kha a ni kan sawi ni pu Speaker.

Tin, chulo lehah kan sawi leh duh chu pu Speaker, Lengpui Airport chungchang hi tlem kan sawi teh ang. Vawiinniah hian India ram policy Airport Authority of India chuan BOLT a intia, chu chu Built, owner lease and Transfer a ni a, khumi Lengpui Airport a neitu nihna khu vawin niah nasa taka kan beih leh loh chuan kan State Asset ropui tak tur a khu rinhlelh awmin a awm tlat a ni. Chuvangin Lease tura chak taka kan Sorkar hian a nawr a pawimawh em em a ni tih kan sawi kai zawk duh a ni.

Tin, chulo lehah chuan pu Speaker, hei hi Governor Notification a ni a, dt.22.2.2000 a chhuak a ni. Hetah hian Governor Notification-ah chuan Village Council zawng zawng ate hi Village Development Committee anga function tur a ni ang tih tun February ni 22 khan a chhuak a. Amaherawhchu, pu Speaker, ka bialah chuan Rangva thlan a hun mek a, IAY thlan a hun mek a, amaherawhchu, kan Minister hian Unit hruaitute tih a kha lo dah lal zawk rawh a ti anih chu, M.N.F. Unit hruaitute. He order hi pu Speaker kan zah lo em ni ? Village Council ten an tih a kha engatinge VDC ni nghal si ? pu Speaker, hemi hi kan Minister zahawm tak hian a violate a ni. Minister-in dan a bawhchhia a ni lo maw ? pu Speaker, engvangin nge M.N.F. Unit zawk kha lo ti rawh a tih a, ni 22 mai a chhuak, thla hmasa ami mai kha Village Council kha VDC anga function tur a ni nghal a ni tih hi Governor Notification tun 22 February thla khan a chhuak. Hei hi dawt a ni em ni pu Speaker ? Dawt a ni lo. Awle, pu Speaker, ka lawm e.

S P E A K E R : Kan bang rih anga, naktuk dar 10:30 ah kan tan leh dawn nia.
Meeting adjourn.

Meeting adjourned at 4:00 P.M.